



歐陽文忠公全集卷一百一

齋文詞疏一百七首



太祖皇帝忌辰道場齋文

太祖皇帝忌辰道場功德疏右語

順祖惠元睿明皇帝忌辰齋文

集禧觀奉神殿開啓謝雪道場青詞

集禧觀凝祥池崇禧殿開啓祝聖壽年交金籙

道場密詞

瓊林苑開啓保佑聖躬祈福道場青詞

瓊林苑開啓保佑聖躬祈福道場默表

歐陽文忠公全集卷一百一

一

黃福寫

啓聖院齋殿內權奉明德元德章穆皇后今告

遷赴普安院重徽隆福兩殿奉安祝文

皇帝親詣啓聖禪院告遷明德元德章穆皇后

赴普安院奉安祝文

瓊林苑交年禱祭太歲諸神祝文

景靈宮雅飾元天大聖后聖容并侍從等開啓

預告道場青詞

開寶寺福勝院開啓道場於乾元節日支散袈

袿并設大會齋一中齋文

東太一宮開啓保夏祝聖壽金籙道場密詞

天齊仁聖帝廟開啓祈祥迎福催生金籙道壇

密詞

廣聖宮開啓催生道場默表

內中福寧殿開啓天祺節道場青詞

內中福寧殿罷散天祺節道場青詞

後苑親稼殿開建鎮星祈福道場青詞

萬壽觀開啓求嗣保安道場青詞

景靈宮天興殿開啓催生保慶道場青詞

護國顯應公廟開啓保安催生道場青詞

西太一宮續催生日道場密詞

歐忠公集卷百五

二一

東太一宮開啓保夏祝聖壽金籙道場密詞

為將來裕享禮畢奏謝內中福寧殿并景靈宮

等處諸神表

為將來裕享禮畢奏謝諸寺院表

內中為將來裕享禮畢奏謝露香表

為將來裕享禮畢奏謝諸寺院神御表

為將來裕享禮畢奏謝永安陵等處表

為將來裕享禮畢奏謝泰山廟等處表

內中福寧殿開啓裕享預告道場青詞

在外五嶽四瀆四海并諸神廟等處謝裕享

畢祝文

泗州塔下并峨嵋山開啓謝禘享禮畢道場齋文

太平興國寺開先殿開啓孝明皇后忌辰道場齋文

太平興國寺開先殿開啓孝明皇后忌辰道場功德疏右語

鎮潼軍華陰縣雲臺觀修整真宗皇帝御容等殿今已了當扶請御容入本殿奉安祝文

鎮潼軍華陰縣雲臺觀修整聖祖及真宗御容等殿今已了當乞請御容入本殿奉安青詞

西太一宮開啓祝聖壽年交金籙道場青詞

萬壽觀寧華殿開啓溫成皇后忌辰道場青詞

內中福寧殿開啓天慶節道場青詞

內中福寧殿罷散天慶節道場青詞

乾元節謝內中露香表

乾元節謝內中真宗皇帝表

乾元節謝內中章獻明肅皇太后章懿皇太后章惠皇太后表

大相國寺大殿上開啓爲民祈福道場齋文

東太一宮立冬祝文

延福宮性智殿開啓皇后生辰道場齋文

延福宮性智殿開啓皇后生辰道場密詞

廣聖宮開啓乾元節青詞

錫慶院賜宰臣已下罷乾元節道場酒果口宣

集禧觀凝祥池崇禧殿就上清宮功德前開啓

保夏祝聖壽金籙道場密詞

兖州會真宮等處開啓皇帝本命道場青詞

景靈宮奉真殿看經堂開啓真宗皇帝忌辰黃

籙道場青詞

歐忠齋集卷五

四

景靈宮廣孝殿看經堂開啓章懿皇后忌辰黃

籙道場青詞

慈孝寺開啓真宗皇帝忌辰資薦道場齋文

集英殿開啓真宗皇帝忌辰道場齋文

內中福寧殿罷散三長月道場青詞

萬壽觀告遷真宗皇帝御容祝文

萬壽觀造溫成皇后相儀祝文

內中福寧殿開啓三長月祝聖壽道場青詞

萬壽觀齋殿內權奉安真宗皇帝御容祝文

東太一宮開啓祝聖壽年交金籙道場密詞

皇帝本命交州會真宮等處開啓道場青詞  
醴泉觀真君殿開啓年交道場青詞

添修開先殿祭告土地祝文

交州會真宮等處開啓上元節青詞

景福殿庫開啓冬節道場齋文

軍器庫開啓冬節道場齋文

舒州靈仙觀開啓上元節道場青詞

皇帝本命交州會真宮等處開啓道場青詞

建隆觀開啓追薦溫成皇后道場青詞

福康公主宅修築地基祭告太歲已下祝文

歐文忠公集卷二十一

五

集英殿告遷宣祖皇帝昭憲皇后御容赴奉先

禪院慶基殿奉安祝文

奉先禪院法堂上告遷宣祖皇帝皇后御容赴

內中奉安祝文

景靈宮奉真殿開啓真宗皇帝忌辰道場看佛

經都功德疏語

景靈宮奉真殿真宗皇帝忌辰道場看道經都

功德疏語

景靈宮廣孝殿章懿皇后忌辰道場看佛經都

功德疏語

景靈宮廣孝殿章懿皇后忌辰道場看道經都

功德疏語

南京鴻慶宮開啓皇帝本命道場青詞

後苑華景亭開啓故秦晉國夫人林氏追薦道  
場齋文

後苑華景亭開啓安土地道場齋文

爲秦晉國永壽聖祐夫人林氏身亡於壽星觀

修設九幽道場青詞

荆南府紫府觀并潭州南嶽真君觀開啓皇帝

本命道場青詞

歐忠齋卷百五

六

廣聖宮開啓祝聖壽道場青詞

河南府平陽洞河陽濟瀆北海水府投送龍簡

青詞

雄州開啓北朝皇帝盡七道場齋文

內中福寧殿罷散三長月祝聖壽道場青詞

太平興國寺開先殿開啓太祖皇帝忌辰道場

齋文

太平興國寺開先殿開啓太祖皇帝忌辰道場

功德疏右語

南京鴻慶宮開啓皇帝本命道場青詞

啓聖禪院修設故秦晉國肅恭賢正夫人林  
盡七大會齋一中齋文

西太一宮開啓皇帝本命道場青詞

建隆觀翊教院開啓皇帝本命道場青詞

賜文武百官文彥博已下於大相國寺罷散乾

元節道場香合口宣

賜文武百官文彥博已下於錫慶院罷散乾元

節道場酒果兼教坊樂口宣

東太一宮開啓保夏祝聖壽金籙道場密詞

賜五臺山十寺僧正知今等勅書

歐忠齋卷五

七

天貺節謝內中露香表

萬壽觀延祥殿開啓中元節資薦真宗皇帝道

場青詞

東太一宮開啓年交祝聖壽金籙道場密詞

東太一宮開啓保夏祝聖金籙道場密詞

大相國寺開啓爲民祈福道場齋文

醴泉觀感通殿開啓爲民祈福道場青詞

福寧公主宅開啓道場青詞

內中福寧殿開啓三長月祝聖壽道場青詞

玉津園開啓保祐聖躬爲民祈福道場青詞

南京鴻慶宮開啓皇帝本命道場青詞

太祖皇帝忌辰道場齋文

維至和元年歲次甲午九月辛酉朔十九日己卯皇帝遣入內侍省內侍殿頭勾當太平興國寺開先殿劉立言請僧三七人於太平興國寺開先殿開啓太祖皇帝忌辰道場一月日伏以受命開先肇基興運昭祖功而不顯絲寶祚於無疆用深追遠之誠式奉明齋之薦載嚴淨刹以集善因伏願覺力常資威靈如在延鴻宗祐集慶耿冲庶邦咸被於餘休品物共均於博施謹言

歐忠叅集卷三

八

太祖皇帝忌辰道場功德疏右語

右伏以當天開運聿隆創始之功繼統承休方罄奉先之孝爰戒徹音之日用資作善之祥嚴法會於金園啓靈文於貝葉伏願超登妙果高證真乘瞻不動以常存祐無疆而永固下均氓庶咸獲又寧

順祖惠元睿明皇帝忌辰齋文

伏以積仁累德王業始於艱難追遠奉先孝治刑於遐邇式臨諱日祇率舊章順祖惠元睿明皇帝肇啓慶基克光前烈昭聖謨而貽厥隆廟德而可觀今皇帝嗣繼大明克昌盛業屬諱辰而增感因佛事以薦

嚴順祖皇帝伏願如在之威亘百年而可畏無疆之祚佑億世以垂休今皇帝伏願聖壽延鴻丕圖永固然後願鈞衡舊德宗室羣英下洎臣民咸均福祐

集禧觀奉神殿開啓謝雪道場青詞

近以溫陽干時雨雪愆候載惟寡薄敢罄精純明靈孔昭嘉應斯獲兆豐年而有望消瀉氣於未形惟物蒙休以時申報冀清真之來格期福貺之永依

集禧觀凝祥殿開啓祝聖壽年交金籙道場密詞

十二月十日

伏以璇霄默運推四序以循行玉曆更新集萬靈而

歐文忠公集卷五十一

九

交會俾清琳宇延格高真薦茲精一之誠祈乃純庀之祉董繇福祚均及含生

瓊林苑開啓保祐聖躬祈福道場青詞

月十二日

伏以四時成歲嘉慶彙之咸新百福自天荷衆真之冥貺俾開靈囿恭講仙科恢寶祚之延長錫壽康之遐永是惟降鑒享乃克誠

瓊林苑開啓保祐聖躬祈福道場默表

伏以荷天地之鴻休席祖宗之丕業載惟勵翼敢忘憂勤屬歲律之更端冀時禧之茂集俾嚴禁籞祗

舊章庶通芬潔之誠仰格清真之馭伏冀錫齡斯永  
隆福孔多保邦祚於無窮均物生而咸被

啓聖院齋殿內權奉明德元德章穆皇后今  
告遷赴普安院重徽隆福兩殿奉安祝文

嚮以雨水爲災殿塗增緝亦旣新於叢構庶來復於  
真遊爰揆靈辰冀茲安妥緬惟慈佑丕鑒乃誠

皇帝親詣啓聖禪院告遷明德元德章穆皇  
后赴普安院奉安祝文

嚮者因霖災之爲沴飭殿構以增新消穀旦之惟良  
奉神遊而還止載深感慕躬薦芬馨式慰孝思冀茲

臨格

瓊林苑交年禱祭太歲諸神祝文

天行有度運三統以環周歲德所臨從百神而拱列  
載消穀旦薦此令芳惟陰鑒之享誠委時祥而昭佑

景靈宮雅飾元天大聖后聖容并侍從等開  
啓預告道場青詞 正月二十日

伏以珍宇邃嚴奉直靈而有素玉容清穆謹修祓以  
惟時爰按仙科俾伸虔告載瞻道蔭宜鑒冲誠

開寶寺福勝院開啓道場於乾元節日支散

袞染并設大會齋一中齋文

伏以正陽旅月方及於嘉時萬壽齊天式標於令節  
啓真乘之秘藏集淨侶於法筵仰惟慈妙之仁茂委  
純龐之祉永隆丕美均福羣倫

東太一宮開啓保夏祝聖壽金錄道場密詞  
四月二十四日

伏以寂然妙道推善應以無方瞻彼高靈薦精誠而  
必達屆此長贏之候是惟茂育之時爰稽玉笈之真  
文載潔雲壇之淨醮冀敷照鑒來集純禧固壽曆之  
延昌溥蒼黔而均祐

天齊仁聖帝廟開啓祈祥迎福催生金錄道

歐文忠公集卷三十一

十一

西

場密詞三月二十日

伏以高穹降慶方禹祐於邦家弥月告期用薦誠於  
科籙冀敷真之昭鑒臻百順以儲休

廣聖宮開啓催生道場默表三月二十日

伏以帶羈迎祥慶楸祠之叶應潔壇修薦致精懇以  
冥祈俾因鱗瑞以通誠仰冀靈真之報福

內中福寧殿開啓天祺節道場青詞三月二十日

伏以候臨初燠節紀嘉名肅嚴祕殿之居降集清真  
之馭薦之馨苾報以善祥豈惟敷佑於耿躬兼冀均  
休於庶品

內中福寧殿罷散天祺節道場青詞

同日

伏以薰風應候瑞節紀時按琳簡之真文嚴紫庭之  
邃宇衆靈來格冥感交通嘉乃羣生蒙茲百福載領  
虔意鑒此明誠

後苑親稼殿開建鎮星祈福道場青詞

二月

二十日

伏以祠祿叶應彌月告祥肅依科錄以薦誠仰冀照  
臨之隆鑿錫之祉福佑以休寧惟集慶於邦家永延  
鴻於基緒

萬壽觀開啓求嗣保安道場詞

啟憲公集卷五十五

七

伏以廟社降祥宮庭叶慶載消吉旦交薦明誠期仰  
格於清真俾敷延於祉福永昌基祚遐企靈休

景靈宮天興殿開啓催生保慶道場青詞

伏以誕彌叶慶蠲潔修誠嚴祕殿於靈宮誦真文於  
藥簡通此苾芬之薦後其蓄害之虞仰冀昭回丕符  
鑒祐

護國顯應公廟開啓保安催生道場青詞

伏以正陽旅月載育開祥式因靈宇之嚴交薦精衷  
之潔仰冀衆真之貺敷昭百順之休永祚皇圖實希  
道蔭

西太一宮續催生道場密詞 四月二十六日

伏以吉日迎祥靈稌叶應爰即清真之宇虔修科式  
之儀冀校滌於害災俾敷昭於福應載昌儲慶永佑  
基圖

東太一宮開啓保夏祝聖壽金籙道場密詞  
四月二十六日

伏以珍館邃嚴格真靈而來宅明誠蠲潔薦馨苾以  
交修道迺百順之祥及此長羸之序伏願保圖綿固  
壽曆延長永敷佑於邦家溥均休於品庶

為將來禘享禮畢奏謝內中福寧殿并景靈

歐忠齋集卷三十一

十三

宮等處諸神表 六月二十五日

伏以清廟有嚴仲冬正序乃先時祭躬講禮文賴真  
靈之集休俾容典之咸舉仰膺佳貺彌勵丹衷

為將來禘享禮畢奏謝諸寺院表 同日

伏以宗廟之嚴祭祀惟重矧茲合食之義尤為盛禮  
之文乃顧眇躬克成大饗實繫貺祐用薦菲誠

內中為將來禘享禮畢奏謝露香表

伏以月正仲冬禮成大饗所以序昭穆之位格祖宗  
之靈荷清穹之降休俾盛典之獲舉敢伸昭謝冀達

精秉

為將來祫享禮畢奏謝諸寺院神御表

同日

伏以茲者祫率孝心躬修合祭潔精誠而是薦蒙顧  
享之來臨惟慈聖之降休俾耿冲之成禮敢忘勵翼  
永荷基圖

為將來祫享禮畢奏謝永安陵等處表

同日

伏以恭承先烈獲守慶基式因冬物之有成載肅廟  
容而合食上繫丕既克展孝思是惟感慕之誠益勵  
祫寅之志

為將來祫享禮畢奏謝泰山廟等處表

同日

伏以茲者因歲物之冬成講祭容而時舉豆籩有序

《歐文忠公集卷五十五》

十四

禮樂交修顧惟耿躬克遵盛典實賴明靈之佑敢忘  
報貺之誠

內中福寧殿開啓祫享預告道場青詞

十月

十九日

伏以宗廟之嚴祫祭為重乃上孟冬之吉躬修合食  
之儀仰企上靈宜孚陰佑俾克成於盛禮冀永錫於  
純禧式展孝思用膺神貺

在外五嶽四瀆四海并諸神廟等處謝祫享

禮畢祝文 十一月十九日

屬者卜吉孟冬致緘清祠聖靈來格福祉齊臻荷神

貺之不違俾縉儀之克舉敢忘伸報達此明誠

泗州塔下并峨嵋山開啓謝禱享禮畢道場齋文

茲者冬物告成因饗親而達孝神釐來貺旣均慶之以時惟盛禮之弗違荷巨慈之旁祐即靈場而伸報冀宜鑿之孔昭薦此誠明期於福應

太平興國寺開先殿開啓孝明皇后忌辰道場齋文十一月一日

伏以柔明之範瞻厚德而已邈感慕之思託洪慈而申薦載嚴寶殿恭啓貝函惟淨福之是資冀靈游之永祐

歐忠齋集卷一百三

五

太平興國寺開先殿開啓孝明皇后忌辰道場功德疏右語

右伏以真覺之慈應物溥示於能仁孝思之感以時式臨於諱日俾延淨侶交奏梵功冀承勝利之因永獲冥深之祐

鎮潼軍革陰縣雲臺觀修葺真宗皇帝御容等殿今已了當扶請御容入本殿奉安祝文十一月十四日

屹爾名山斯爲福地翼然寶構式奉威靈繕完旣新

出永以安

雲臺觀修整聖祖及真宗御  
子當乞請御容入本殿奉安青

十一月十四日

伏以靈峯甚峻仙宇嚴宏考吉辰奉寧真聖式伸  
祗告昭鑒乃誠

西太一宮開春祈聖壽年  
錄道場青詞

十一月二十三日

伏以萬物堅成樂歲之期四時迭運荷乾施之  
無窮爰即靈壇載奉科式薦以芬芳之潔通於杳默  
之神伏願威鑒昭臨福禧穰集固穹窿之壽曆延縣  
永之皇圖下逮羣生咸均餘佑

萬壽觀寧華殿開啓溫成皇  
忌辰道場青

詞十一月二十九日

伏以妙道無方推乎善應清真昭格通以昭誠追內  
則之有儀藹餘芳而未遠式臨諱日俾投醮焉爰即  
琳宮肅延羽士冀資冥福永助仙游

內中福寧殿開啓天慶節道場青詞

伏以新陽叶律肇正於歲端嘉節之行蓋遵於國  
載嚴秘殿遐金上直薦茲蠲潔之誠

冀承靈貺永祐皇圖

內中福寧殿罷散天慶節道場青詞

伏以元符肇貺先聖是膺紀為令節之名著乃仙科  
之式用嚴禁密恭薦苾苾冀真馭之昭臨貺嘉祥而  
茂集基圖永固動植均休

乾元節謝內中露香表

嘉祐五年五月二十六日

伏以清穹眷佑皇緒丕隆方陽月之正時屬誕辰而  
著節仰瞻霄極薦苾苾馨冀膺敷錫之祥永保延鴻  
之慶

乾元節謝內中真宗皇帝表

同日

歐文忠公集卷一百一十

十七

伏以佳名著節載誕紀辰永惟涼耿之躬獲荷顯休  
之業動遵聖訓期保慶基怵惕之懷孝思罔極

乾元節謝內中章獻明肅皇太后章懿皇太

后章惠皇太后表

同日

伏以天陽正候壽節紀時深惟載育之恩緬慕至慈  
之德敢忘翼勵期保延鴻

大相國寺大殿上開啓為民祈福道場齋文

伏以南薰被物方茲長育之明西覺稱雄允賴慈仁  
之濟俾延淨侶虔啓法筵冀迓百善之祥普洽萬生  
之衆

東太一宮立冬祝文

四時適序萬物堅藏嘉歲事之有成繁神休之是賴  
承茲靈貺報以吉蠲惟冀享誠益敷多祐

延福宮性智殿開啓皇后生辰道場齋文

伏以坤德流徽式臨於誕日貝文宣妙恭仰於巨慈  
載嚴祕邃之庭駢集清修之侶冀資壽福時啓靈場  
伏願毫相分光法雲假蔭憑茲勝利永保遐齡

延福宮性智殿開啓皇后生辰道場密詞

伏以寒律正時適臨於良月曾沙誕慶爰紀於嘉辰  
夙清祕殿之嚴並集祗園之侶冀因勝利延錫禧祥

歐文忠公集卷百五

十六

永輔坤儀益隆壽祝

廣聖宮開啓乾元節青詞

伏以月旅正陽當百家之茂盛祥標誕節期萬壽之  
穹窿式案舊章載嚴祕殿延紫霄之飛馭誦玉笈之  
靈篇伏冀誠愨上通聖真垂佑錫之多福均動植之  
幽徵永以無疆並乾坤而悠久

錫慶院賜宰臣已下罷乾元節道場酒果口

宣

卿等任國鈞軸爲予股肱因誕節之屆辰嚴梵宮而  
申祝載嘉忠盡宜示寵頒

集禧觀凝祥池崇禧殿就上清宮功德前開  
啓保夏祝聖壽金錄道場密詞

伏以道本無爲功施萬物福惟善應信若四時當茂  
育之屆辰薦薦精明而交感載嚴珍館恭按仙科伏願  
飈歛來臨清真垂祐保壽齡之永錫均動植以咸休  
兗州會真宮等處開啓皇帝本命道場青詞  
伏以三辰昭運六甲馴行當薰風阜育之時屬正命  
本元之日謹遵科式上薦誠明誦琳藥之真文延紫  
清之諸聖伏冀蒼靈降鑒福嘏駢臻蒙休匪止於耿  
躬博施咸均於庶品

歐文忠公集卷百三

九

景靈宮奉真殿看經堂開啓真宗皇帝忌辰  
黃錄道場青詞

伏以崇妙道於清虛實惟先志感時思於雨露式表  
孝心按金錄之真科即琳宮之福地薦茲精潔庶以  
感通冀善應之無方期永資於冲蔭

景靈宮廣孝殿看經堂開啓章懿皇后忌辰  
黃錄道場青詞

伏以坤儀永闕昭厚德於無疆藥館載嚴奉真遊而  
如在式臨遠諱用感孝思薦特品之惟新啓齋場而  
增肅仰祈歆鑒永集祥祺

慈孝寺開啓真宗皇帝忌辰資薦道場齋文  
伏以僊馭乘雲式臨於遠日春陽濡露載感於孝思  
爰即梵居俾延淨侶瞻玉毫之妙相啓貝葉之真文  
集此勝因仰資冥祐

集英殿開啓真宗皇帝忌辰道場齋文

伏以神遊斯遠方仰於軒成諱日茲臨載深於舜慕  
虔依正覺俾集善因敞禁殿以有嚴啓法筵而夙設  
仰祈冥助用慰孝思

內中福寧殿罷散三長月道場青詞

伏以首春紀序標今月以惟時善氣宣和紛百祥而

來集載嚴祕殿恭按真科依妙道之冲虛薦精衷之  
蠲潔冀迎純祐均被羣倫

萬壽觀告遷真宗皇帝御容祝文

伏以宗廟之禮是爲典彝衣冠以遊實有故事載嚴  
寶構以奉威靈消吉日以有初庶真馭之斯格

萬壽觀造温成皇后相儀祝文

式營叢構俾俟靈遊顧落成之有初惟筮日而斯吉  
冀茲住宅庶以即安

內中福寧殿開啓三長月祝聖壽道場青詞

伏以真遊飈歟祕殿邃嚴惟首月之正時叶新陽而

布慶俾陳法供仰薦明誠伏冀敷祐躬保千齡而  
永圖躋民壽域均萬國以同休

萬壽觀齋殿內權奉安真宗皇帝御容祝文  
伏以齋室潔巖粹容清穆消辰叶吉具禮有儀冀真  
馭之安安符孝心之虔奉

東太乙宮開啓祝聖壽年交金錄道場密詞  
伏以積陰窮候始變於二陽庶物更新宜均於百福  
是陳法供載肅嚴祠延真馭以來臨冀明靈之洞鑒  
耿冲集佑期萬壽之無疆遐邇同休俾兆民之咸賴  
皇帝本命兗州會真宮等處開啓道場青詞

歐忠齋集卷五十五

三

伏以荷三靈之乃眷獲奉寶圖隆萬壽於無疆遐資  
道蔭爰薦精衷之禱及茲元命之辰伏願誠潔上通  
真靈肅鑒如松之茂永固於延長一物雖微並均於  
貺施

醴泉觀真君殿開啓年交道場青詞

伏以元氣均調運三正而並用歲功肇序謹五始之  
惟初爰啟福庭恭陳淨醮伏冀精衷上達靈鑒甫回  
却疑陰伏沴之餘順和氣發生之造旁霑庶物並集  
多休豈惟耿冲膺此純嘏

添修開先殿祭告土地祝文

伏以神遊所格祕寢有嚴役事時興方勤於締葺后  
祇安靜頗懼於震驚菲薦式陳明靈昭鑒

兗州會真宮等處開啓上元節青詞

伏以萬物資生肇新於陽月三元紀節式按於仙經  
爰歎殊庭恭陳淨醮薦精誠而交感企真馭以來臨  
冀集靈休下均羣品

景福殿庫開啓冬節道場齋文

伏以國財豐衍資民力以爲先禁宇深嚴邇天居而  
甚邃式屆一陽之候俾修衆善之因誦貝葉之遺文  
集金園之淨侶庶延梵福用副精衷

軍器庫開啓冬節道場齋文

伏以儲戎器以戒不虞敢忘武備肇新陽而集多福  
爰屆令辰俾法侶之精虔倏勝因之妙善仰瞻毫相  
載繹真文冀昭鑒之甫回契偃兵之盛際

舒州靈仙觀開啓上元節道場青詞

伏以萬物熙春肇新陽於首歲三元紀序標令節於  
真經爰即靈場俾遵科式薦雖陳於菲薄誠已達於  
精明伏願穹昊垂休紫清降鑒邦家錫慶永叶於泰  
寧民物遂生並臻於和樂

皇帝本命兗州會真宮等處開啓道場青詞

維至和元年歲次甲午十月辛卯朔二十日庚戌嗣  
天子臣某謹遣某人開啓本命靈寶道場三晝夜罷  
散日設醮一座謹上啓太上開天執符御歷含真體  
道玉皇大天帝寶祚無疆蒼穹垂祐吉日式臨於元  
命醮科爰舉於舊章薦誠愨以惟精延聖真而並集  
仰希靈貺數錫耿冲四時叶序於和平品彙均休於  
康泰無任懇禱之至謹詞

建隆觀開啓追薦溫成皇后道場青詞

伏以蒼圓降鑿列象緯以昭垂蠲潔備陳薦馨香而  
上達載嚴仙宇恭按科儀眷內則之遺芳冀高真之

歐全公集卷百三

三

宜祐仰祈陰貺永助靈遊

福康公住宅修築地基祭告太歲已下祝文

維至和元年歲次甲午十月辛卯朔七日丁酉皇帝  
遣宮苑使榮州防禦使內侍省內侍右班副都知任  
守忠致祭于太歲土地諸神禮崇下嫁詩美宜家惟  
築館之有初方消辰而叶吉冀百靈之來護期不日  
以斯成尚饗

集英殿告遷宣祖皇帝昭憲皇后御容赴奉  
先禪院慶基殿奉安祝文

伏以祖烈昭宣威神緬邈顧祠庭之夙敞崇寶構以

載新其即安永安仲嚴奉

奉先禪院法堂上告遷宣祖皇帝昭憲皇后  
御容赴內中奉安祝文

伏以早嚴寶殿以佇神游今奉威靈即安清禁仰惟  
鑒格歆此精衷

景靈宮奉真殿開啓真宗皇帝忌辰道場看  
佛經都功德疏語

伏以威神在天奉真遊而時格覺慈宣化敷慧福以  
無窮追諱日之甫臨演祕言而申薦永繫仁佑式慰  
孝衷

歐忠公集卷五十一

五

景靈宮奉真殿真宗皇帝忌辰道場看道經  
都功德疏語

伏以琳宮嚴敞奉真馭以來臨寶笈飛華演靈篇而  
甚祕式屆遏音之日載深濡露之懷遐薦福因永資  
道蔭

景靈宮廣孝殿章懿皇后忌辰道場看佛經  
都功德疏語

伏以諱日斯臨孝心增感永慕至慈之德載瞻大覺  
之雄旣集善因遐資福果

景靈宮廣孝殿章懿皇后忌辰道場看道經

都功德疏語

伏以春露旣濡孝思罔極卽仙庭之祕遂誦金簡之精微仰冀清真永資遐福

南京鴻慶宮開啓皇帝本命道場青詞

伏以紫清垂祐資道妙之冲虛甲乙馴行會天辰於元本歎別都之福地舉淨醮之真科薦以潔精通乎貽靈伏願衆靈昭鑒百福來臻隆萬壽於無疆溥群生而咸遂

後苑華景亭開啓故秦晉國夫人林氏追薦道場齋文

八駟忠公集卷百五

三五

伏以淑懿之賢已賁追榮之典陰幽之助仍眷衆善之因爰卽華林載陳法供冀慈仁之廣被均勝利於無窮乘此妙緣超升福果

後苑華景亭開啓安土地道場齋文

伏以后皇安靜稟厚德以無疆靈貺宜符惟至誠而有感載嚴淨侶夙按梵儀冀被滌於百邪俾安安於庶品

爲秦晉國永壽聖祐夫人林氏身亡於壽星

觀修設九幽道場青詞

生而有盡是謂於物常道本無形質資於冥助處依

仙宇載肅淨場追懿德之已遙冀明靈之垂祐

荆南府紫府觀并潭州南嶽真君觀開啓皇  
帝本命道場青詞

伏以道非常名無方而善應誠之所至有感而必通  
惟南服之奧區敞清真之靖館因本元之吉日備科  
式之多儀延集衆靈仰祈冲鑿冀咸臻於百福期永  
固於千齡

廣聖宮開啓祝聖壽道場青詞

伏以百工休力標禮典以順時衆善延祥紀道家之  
吉月恭陳祕館式按常科瑤席瓊罇夙陳於芳潔芝  
華羽葆紛集於真靈伏願錫祉軫躬隆壽齡於無極  
遂生庶品臻隱伏以咸均

河南府平陽洞河陽濟瀆北海水府投送龍

簡青詞

伏以九區至廣萬物類居惟川嶽之宅靈繫真仙而  
總治載稽道祕實有舊章粲然玉簡之清文宛若金  
鱗之瑞質茲爲鎮信輔以精誠伏冀冲鑿昭臨純祺  
錫羨保邦家之永固均動植以蒙休

雄州開啓北朝皇帝蓋七道場齋文

伏以北朝皇帝世結隣歡歲交聘問方睦敦隆之好

慶開計告之音深極哀懷用伸眷薦廣苑筵而斯啓  
陳法供以惟嚴冀仰助於仙遊庶永孚於冥祐

內中福寧殿罷散三長月祝聖壽道場青詞  
伏以清霜肅候咨萬物以將成嘉月齋心延百祥而  
並集有嚴秘殿來格衆靈冀真鑒之妙冲答精衷之  
蠲潔保鴻圖而繇固均庶品以阜康

太平興國寺開先殿開啓太祖皇帝忌辰道

場齋文

伏以紹百王而開統昭著於祖功植衆善之妙因爰  
憑於覺力循有邦之舊典稽諱日以先期載肅齋場  
並延淨侶瞻玉毫之具相誦具葉之靈文仰依慈慧  
之仁遐薦清真之馭庶資冥祐式廣孝思

太平興國寺開先殿開啓太祖皇帝忌辰道

場功德疏右語

伏以受命造邦耀無窮之丕烈以時薦福資妙用於  
能仁爰及諱辰式遵彝憲即神居之寶殿延法侶於  
祇園仰冀覺慈廣敷勝利威靈如在冥助於真遊運  
祚克昌永隆於一世

南京鴻慶宮開啓皇帝本命道場青詞

伏以帝運開先建別都而雄壯神遊欽奉肅真館以

邃嚴道臨元命之辰恭按仙科之式薦茲嘉潔仰彼  
穹靈敢祈善應之祥永固無疆之壽

啓聖禪院修設故秦晉國肅恭賢正夫人林  
氏盡七大會齋一中齋文

伏以覺慈廣被兼濟於含生冥福所資必憑於慧力  
惟懿柔之秉德享壽考而有終隆睿眷以不忘集勝  
緣而增備願乘妙果超薦直乘

西太一宮開啓皇帝本命道場青詞

伏以真遊所集靈宇載嚴聿臨元命之辰恭按仙科  
之式冀紫清之垂鑒感蠲潔以潛通百福來臻克彰  
於善應萬齡增固永保於無疆

歐忠文集卷百五

三八

建隆觀翊敎院開啓皇帝本命道場青詞

伏以道妙無方默運清真之氣日躔有次式臨元本  
之辰恭按仙儀俾陳淨醮伏願蒼靈昭鑒福嘏駢臻  
萬壽無疆永隆於鴻筭群生咸遂均被於餘休

賜文武百官文彥博已下於大相國寺罷散  
乾元節道場香合口宣

卿等式因誕節祗率采寮修梵供以惟精罄臣誠而  
申祝載嘉忠愛宜示頒宣

賜文武百官文彥博已下於錫慶院罷散乾

元節道場酒果兼教坊樂口宣

卿等叶德同寅愛君盡禮因誕彌之紀節申祝頌之  
常儀宜示宴私用彰優寵

東太一宮開啓保夏祝聖壽金錄道場密詞  
伏以風薰紀候阜庶物以蕃滋道妙無言集百祥而  
善應即琳宮之福地考金錄之秘文薦此令芳通乎  
彤嚮冀延純錫保乃昌圖資壽考於無疆均蠶生而  
咸被

賜五臺山十寺僧正知今等勅書

汝等並懷出俗之心而有愛君之志因王正之肇序

歐文彙纂卷五

五

遵佛事以修嚴期中祝延來効誠獻載嘉勤款宜有  
恩頒

天貺節謝內中露香表

伏以薰風應候滋阜於羣生嘉節紀時恭承於景貺  
已嚴淨館虔奉祕訓仍假薰脩附通精意蒼靈昭鑒  
純祉來臻

萬壽觀延祥殿開啓中元節資薦真宗皇帝  
道場青詞

伏以道生萬物運元氣於無形節正三元紀清商之  
令序洪惟先聖邈矣貞遊貽睿業以嗣承增孝思之

時感式陳淨醮仰薦精衷伏願靈馭在天愈資於冥  
祐寶圖綿世永庇於羣生

東太一宮開啓年交祝聖壽金籙道場密詞

伏以三陽肇序始變於凝陰萬壽無疆宜膺於茂祉  
俾延淨侶祇款嚴祠投金籙之仙科格紫清之真馭  
冀迎福應永固丕圖下逮庶邦咸均純錫

東太一宮開啓保夏祝聖金籙道場密詞

伏以道妙無言惟一資生於萬物歲功有序以時均  
播於五行當火德之盛明順南訛而阜育式稽金簡  
祇即琳宮祈降集於上靈冀迎來於衆福伏願齊天  
永筭益保於鴻休觸類賦形皆均於純錫

歐愈全集卷百五

三

大相國寺開啓為民祈福道場齋文

伏以薰風協序阜百物以蕃昌慧福均慈蒙萬生而  
庶被顧惟編俗屬此灼蒸庶依妙覺之仁護此含靈  
之衆後除時疹迎集天祺凡載坤輿共臻壽域

醴泉觀感通殿開啓為民祈福道場青詞

伏以瑞泉涵液湛一勺之靈源琳館凝華嚴衆真之  
福地眷茲炎鬱閔彼蒸黔俾肅按於仙科冀導迎於  
善氣伏願紫清昭鑒飈歛來臨旁均海寓之遐下逮  
翺蠕之細並蒙道蔭咸被時禧

福寧公主宅開啓道場青詞

伏以妙道無形宅真靈於杳默精衷有感延福應之  
純厖眷外館之有嚴肅行車而伊始俾遵科式祓以  
芬芳冀冥祐之敷垂集休寧而永保

內中福寧殿開啓三長月祝聖壽道場青詞

伏以凜秋肅物嘉歲序之成功吉月延祥按仙科之  
舊式瞻彼清真之馭敞茲禁密之廷薦以芬芳通於  
杳默伏冀壽齡永固福應來臻隆寶歷以遐昌均庶  
邦而康靖

玉津園開啓保祐聖躬為民祈福道場青詞

歐忠文集卷百五

三

八月二十六日

伏以祗紹慶圖撫寧方夏仰荷百祥之時集思同庶  
品以均休乃即清郊載嚴淨侶誦藥宮之真訓瞻琬  
極之高靈伏願聖壽無疆永錫厖鴻之祐物生咸遂  
並臻康泰之期

南京鴻慶宮開啓皇帝本命道場青詞

九月

十三日

伏以寶圖興運茲惟受命之邦琳館凝祥肅奉真遊  
之馭惟本元之令日薦精潔之明誠按金籙之科儀  
瞻紫霄之杳默伏冀衆靈敷祐百福來臻保遐筭於

無疆均舍生之賴德

歐陽文忠公全集卷一百三十一

歐陽文忠公全集卷一百三十一

三十一

賜外夷詔書口宣

賜夏國詔書

皇帝賀契丹皇帝正旦書

皇帝賀契丹太皇太后正旦書

班荆館賜契丹賀正旦人使到闕酒果口宣

正月三日就驛賜契丹賀正旦人使內中酒果

口宣

班荆館賜契丹賀正旦人使到闕御筵口宣

賜夏國主進奉賀正馬騶詔

歐陽文忠公全集卷一百三十二

賜夏國主贖大藏經詔

自京至雄州已來撫問契丹告哀人使口宣

賜契丹國告哀人使茶藥口宣

沿路賜契丹國告哀人使赴闕茶藥口宣

皇帝回契丹皇帝告哀書

雄州撫問契丹賀乾元節人使口宣

恩州賜契丹遺留使副茶藥口宣

瀛州賜契丹賀乾元節人使却回御筵口宣

班荆館賜契丹賀乾元節人使却回酒果口宣

十六日就驛賜契丹賀乾元節人使內中酒果

口宣

班荆館賜契丹告哀人使內中酒果口宣  
就驛賜契丹遺留使副銀鈔鑪唾盂孟子錦被

褥口宣

恩州賜契丹皇太后賀乾元節大使茶藥詔

恩州賜契丹皇太后賀乾元節副使茶藥詔

恩州賜契丹皇帝賀乾元節大使茶藥詔

恩州賜契丹皇帝賀乾元節副使茶藥詔

皇帝回契丹皇帝賀乾元節書

皇帝回契丹皇帝達皇太后賀乾元節書

歐忠齋集卷五十一

二

恩州賜契丹皇太后賀乾元節人使茶藥口宣

恩州賜契丹皇帝賀乾元節人使茶藥口宣

賜契丹賀乾元節國信使副生餼口宣

班荆館賜契丹賀正旦人使到闕御筵口宣

正月五日賜賀正旦人使內中酒果口宣

賜夏國主進奉賀正旦馬馳詔

皇帝回契丹皇帝賀正旦書

皇帝回契丹皇帝達皇太后賀正旦書

班荆館賜契丹國信使副赴闕御筵口宣

撫問梓州路臣寮口宣

班荆館賜契丹國信使副都回御筵口宣

班荆館賜契丹國信使副都回酒果口宣

雄州白溝驛賜契丹人使却回御筵兼傳宣撫

問口宣

雄州白溝驛撫問契丹賀正人使兼賜御筵口

宣

雄州撫問契丹賀正旦兩蕃人使口宣

恩州賜契丹皇太后賀正旦人使茶藥口宣

恩州賜契丹皇帝賀正旦人使茶藥口宣

恩州賜契丹皇太后賀正旦人使茶藥詔

歐文忠公集卷三十三

三

恩州賜契丹皇太后賀正旦副使茶藥詔

恩州賜契丹皇帝賀正旦人使茶藥詔

恩州賜契丹皇帝賀正旦副使茶藥詔

二十四日就驛賜契丹賀正旦人使銀鈔鍔唾

盂孟子錦被褥口宣

正月一日入賀畢就驛賜酒果口宣

今月三十日賜契丹賀正旦人使內中酒果口宣

正月三日就驛賜契丹賀正旦人使內中酒果

口宣

賜契丹人使春幡春盤法酒口宣

班荆館賜契丹賀正旦人使到闕酒果口宣

班荆館賜契丹賀正旦兩蕃人使到闕御筵口宣

皇帝回謝契丹皇帝書

皇帝回謝契丹皇太后書

雄州撫問契丹賀乾元節人使口宣

賜契丹賀正旦人使却回班荆館酒果口宣

十九日契丹賀乾元節人使明辭訖就驛賜酒果口宣

班荆館賜北朝告哀人使御筵口宣

歐文忠公集卷百二十二

四

班荆館賜契丹告哀人使酒果口宣

契丹告哀人使回至北京賜筵口宣

契丹告哀人使回至雄州賜御筵兼傳宣撫問

口宣

皇帝回契丹皇帝告哀書

皇帝回契丹皇太后告哀書

賜西南蕃蠻人張漢頂等勅書

皇帝回契丹太皇太后回謝書

皇帝回契丹皇帝回謝書

賜夏國主詔

正月六日朝辭訖就驛賜契丹賀正旦人使御筵口宣

班荆館賜契丹賀正旦人使却回酒果口宣

契丹國信使副回入四月沿路賜夏藥扇子甘

蔗等口宣

瀛州賜契丹國信使副却回御筵口宣

北京賜契丹國信使副却回御筵口宣

就驛賜契丹賀乾元節人使內中酒果口宣

班荆館賜契丹國信使副到闕酒果口宣

班荆館賜契丹國信使副到闕御筵口宣

一 欽定四庫全書

五

玉津園賜契丹國信使副弓箭御筵口宣

雄州白溝驛賜北朝契丹賀正旦人使御筵兼

傳宣撫問口宣

雄州白溝驛賜契丹賀乾元節人使却回御筵

兼撫問口宣

賜西南蕃蠻人張光現等勅書

賜夏國詔書

朕嗣守丕圖日新庶政方推大信以協萬邦思與藩屏之臣永遵帶礪之約矧勤王而述職固奕世以推誠而近年以來將命之使或不體朝廷之意或罔循

規矩之常多於臨時率爾改作既官司之有守致事體以難從且下脩奉上之儀本期効順而君有錫臣之寵所以隆恩豈宜一介於其間輒以多端而生事在國家之撫御固廓爾以無疑想忠孝之傾輸亦豈欲其如此故特申於旨諭諒深認於眷懷今後所遣使人更宜精擇不令妄舉以紊彝章所有押賜押伴使臣等亦已嚴行戒勵苟有違越必寘典刑載惟信誓之文炳若丹青之著事皆可守言貴弗違毋開間隙之萌庶敦悠久之好

皇帝賀契丹皇帝正旦書

歐忠齋奏卷百三十一

六

正月一日伯大宋皇帝致書于姪大契丹聖文神武睿孝皇帝闕下玉曆正時布王春而茲始寶隣敦契講信聘以交修方履新陽益綏多福其於祝詠罔罄敷言今差朝散大夫守太常少卿上騎都尉渤海縣開國男食邑三百戶賜紫金魚袋吳中復供備庫使銀青崇祿大夫檢校太子賓客兼御史大夫騎都尉廣平縣開國男食邑三百戶宋孟孫充正旦國信使副有少禮物具諸別幅專奉書陳賀不宣白

皇帝賀契丹太皇太后正旦書

正月一日姪大宋皇帝謹致書于嬪大契丹仁慈聖

善欽孝廣德安靜正道懿和寬厚崇覺儀大太皇太后闕下歲律更新春陽鬯達因履端之叶吉敦永好以申歡載惟慈懿之和方集壽康之祉更希善攝用副遐悰今差朝散大夫守太常少卿直昭文館護軍廣陵縣開國子食邑五百戶賜紫金魚袋呂景初洛苑使兼閣門通事舍人銀青光祿大夫檢校太子賓容兼御史大夫騎都尉清河郡開國侯食邑一千七百戶張利一充正旦國信使副有少禮物具諸別幅專奉書陳賀不宜謹白

班荆館賜契丹賀正旦人使到闕酒果口宣

欽定四庫全書

七

十二月十日

卿等歲律更端隣歡交聘載馳使傳方及國郊宜推寵錫之恩式示眷懷之厚

正月三日就驛賜契丹賀正旦人使內中酒

果口宣

卿等奉將隣好來會歲元載惟寵賚之私宜極珍豐之品俾頒嘉味式侑宴歡

班荆館賜契丹賀正旦人使到闕御筵口宣

十二月十四日

卿等曆紀歲元聘交隣好載馳使傳方及國門宜頒

宴犒之恩式示眷懷之厚

賜夏國主進奉賀正馬駝詔

詔夏國主省所差人進奉賀正馬駝共一百頭死事具悉履端紀歲萬邦咸稟於王正効貢以時奕世克脩於蕃職載閱充庭之實深惟守土之勤遐體傾輸不忘歎獎今回賜銀絹茶等具如別錄至可領也其差來人所賜物色亦具賜日故茲詔示想宜知悉春寒比平安好否書指不多及

賜夏國主贖大藏經詔

十二月

日

詔夏國主省所奏伏為新建精藍載請贖大藏經帙

歐忠文集卷百二十一

八

鐵牌等其常例馬七十疋充印造工直俟來年冬賀嘉祐四年正旦使次附進至時乞給賜藏經事具悉封奏聿來秘文為請惟覽雄之演說推善利於無窮嘉乃純誠果於篤信所宜開允當體眷懷所載請贖大藏經帙鐵牌等已令印造候嘉祐四年正旦進奉人到闕至時給付故茲詔示想宜知悉春寒比平安好否書指不多及

自京至雄州已來撫問契丹告哀人使口宣

正月十九日

卿抵戒輶軒載馳降訃顧道塗之甚邈惟涉履之斯

勸俾宣恩言式慰良苦

賜契丹國正人使茶藥口宣

正月十九日

卿式將隣聘來告國哀屬春候之尚寒顧驛塗之攸  
邈俾頒品劑用示眷懷

沿路賜契丹國正人使赴闕茶藥口宣

正

月十九日

勅蕭福延卿夙駕使輜遽傳國卹屬餘寒之在候想  
馳驛之爲勞俾頒飲劑之良用示眷懷之厚

皇帝回契丹皇帝告哀書

二月日伯大宋皇帝致書于姪大契丹聖文神武睿

《歐忠公集卷一百五十一》

九

孝皇帝闕下承遣使車特貽緘翰不意凶變太皇太  
后上僊載惟契好久睦仁鄰聞此訃音但增感愴姪  
皇帝負荷至重追慕所深冀節哀情用遵禮制已差  
人使專持慰禮今林牙懷德軍節度使蕭福延回奉  
書陳謝不宣白

雄州撫問契丹賀乾元節人使口宣

二月二

十四日

卿等夙持信聘來講隣歡及疆候以惟初屬暄和之  
方盛宜加撫慰式示眷懷

恩州賜契丹遺留使副茶藥口宣

三月二  
六日

卿等夙馳使傳來達信函載惟涉履之勤當此暄和之候宜加頒賚式示眷懷

瀛州賜契丹賀乾元節人使却回御筵口宣  
四月七日

卿等既成聘好方即歸塗再惟將命之勞宜有犒勤之錫俾伸宴飫用示眷私

班荆館賜契丹賀乾元節人使却回酒果口宣  
四月七日

卿等使輅復命郊館餞行惟茲良潔之英薦以甘馨之實用伸恩錫當體眷懷

歐忠公集卷一百三十一

十

十六日就驛賜契丹賀乾元節人使內中酒果口宣  
四月十七日

卿等夙奉信函方休宿館惟此醇甘之品用推寵賚之恩聊侑宴歡以伸優遇

班荆館賜契丹告哀人使內中酒果口宣

卿夙將隣訃方屆國門載惟衝涉之勤宜有宴休之錫俾伸頒賚用示眷懷

就驛賜契丹遺留使副銀鈔鑼唾孟孟子錦被褥口宣  
五月十八日

卿等馳輅來止將命有儀顧茲館憇之初宜具燕私

之用俾伸優錫式示眷懷

恩州賜契丹皇太后賀乾元節大使茶藥詔

嘉祐四年二月二十四日

卿夙將信聘方止中塗惟茲藥錄之良加之茗品之美特伸頒賚式示眷懷

恩州賜契丹皇太后賀乾元節副使茶藥詔

同日

卿肅將聘幣來及壽觴載嘉道路之勤宜有頒宣之寵仍伸撫勞當體眷懷

恩州賜契丹皇帝賀乾元節人使茶藥詔

歐文忠公集卷百三十一

十一

卿將命寶隣講歡壽節屬此暄和之候載惟涉履之勤宜頒品劑之良式示眷懷之意

恩州賜契丹皇帝賀乾元節副使茶藥詔

同日

卿夙副聘輶來陳壽祝願川塗之攸邈屬氣節之方和俾頒飲餌之精式助宣調之理

皇帝回契丹皇帝賀乾元節書

四月日伯大宋皇帝致書于姪大契丹聖文神武睿孝皇帝闕下乾陽正月紀茲載誕之辰隣聘修歡貺以千齡之祝書言旣繹禮幣兼豐感著之私敷陳罔罄今彰聖軍節度使蕭供等回專奉書陳謝不宜白

皇帝回契丹皇帝達皇太后賀乾元節書

四月日伯大宋皇帝致書于姪大契丹聖文神武睿  
孝皇帝闕下壽節屆期隣歡悖契仍導柔慈之旨過  
中延祝之言無厚物容用增刻著顯希侍次達此悰  
誠今左監門衛上將軍耶律俛等回專奉書陳謝不  
宣白

恩州賜契丹皇太后賀乾元節人使茶藥口

宣

卿等夙奉信函及茲誕節載勤馳傳方止中塗宜有  
寵頒用伸撫慰

歐忠齋卷百三

十一

恩州賜契丹皇帝賀乾元節人使茶藥口宣  
卿等甫臨誕日來講隣歡載惟將命之嚴宜有勞勤  
之錫俾伸寵賚式示眷嘉

賜契丹賀乾元節國信使副生餼口宣

卿等式將聘幣來講隣歡載嘉道路之勤宜厚餼牽  
之品往膺寵錫用示眷懷

班荆館賜契丹賀正旦人使到闕御筵口宣

十二月九日

卿等歲元茲始隣好時修載馳使傳之勞方次都門

近宜伸頒錫式示眷懷

正月五日賜賀正旦人使內中酒果口宣  
卿等夙將信聘來結隣歡方仲宴飲之豐式示眷懷  
之意芳醪嘉實宜厚寵頒

賜夏國主進奉賀正旦馬馳詔

王正首歲玉曆頒春眷惟繼世之忠克効守藩之職  
勤修時貢來旅明庭言念傾輸良深歎獎

皇帝回契丹皇帝賀正旦書

正月日伯大宋皇帝致書于姪大契丹聖文神武睿  
孝皇帝闕下歲端更始順陽律以布和信聘時修講  
隣歡而增固閱書言之勤好加籠幣之腆豐感敢所  
深述宣罔旣今懷化軍節度使耶律淑等回專奉書  
陳謝不宣白

皇帝回契丹皇帝遼皇太后賀正旦書

正月日伯大宋皇帝致書于姪大契丹聖文神武睿  
孝皇帝闕下玉曆頒時寶隣交聘兼馳使駟別枉信  
函載傳慈懿之言益固講修之好顯希侍次達此悰  
誠今歸德軍節度使耶律思寧等回專奉書陳謝不  
宣白

班荆館賜契丹國信使副赴闕御筵口宣

卿等載持信節方止都圻特申式宴之儀以示勞勩

之意用推寵數當體至懷

撫問梓州路臣寮口宣

卿等並韞器能遠膺寄任式戒嚴秋之序載懷勤事之勞宜示撫存以彰眷厚

班荆館賜契丹國信使副却回御筵口宣

卿等聘儀成禮歸馭戒塗念茲夙駕之勤宜有祖行之寵式陳衍樂以示宴私

班荆館賜契丹國信使副却回酒果口宣

卿等信節爰馳示隣歡之永固使輶云復申飲餞以爲榮宜有匪頒以彰眷遇

歐憲叢卷百五

十四

雄州白溝驛賜契丹人使却回御筵兼傳宣

撫問口宣

卿等言持信節式戒歸塗念茲衝涉之勤宜有撫存之意仍頒宴餞以示眷懷

雄州白溝驛撫問契丹賀正人使兼賜御筵

口宣

卿等載馳瑞節爰及疆亭顧惟夙駕之勤宜有示慈之宴用彰寵待當體眷懷

雄州撫問契丹賀正旦兩蕃人使口宣

卿等夙將瑞節方戒疆亭奉隣聘以申歡慶歲端之

始載惟跋履宜示撫存

恩州賜契丹皇太后賀正旦人使茶藥口宣  
卿等載飭輶車方凝寒律乃顧道塗之役深嘉跋履  
之勞宜有頒宣式章眷遇

恩州賜契丹皇帝賀正旦人使茶藥口宣

卿等繼修邦好來及王春方凝凜之在辰念勤劬而  
將事聊頒飲劑式助宣調

恩州賜契丹皇太后賀正旦人使茶藥詔

勅卿夙將信幣來慶王春載惟涉履之勤方示眷懷  
之意錫茲良物以輔至和今差入內侍省內侍殿

歐忠公集卷之三

五

頭張昭化往恩州賜卿茶藥具如別錄至可領也故  
茲詔示想宜知悉冬寒卿比平安好遣書指不多及  
恩州賜契丹皇太后賀正旦副使茶藥詔

卿輶車載飭方講於隣歡歲序將回式凝於寒律載  
懷衝涉宜有頒宣

恩州賜契丹皇帝賀正旦人使茶藥詔

卿修南北之歡會期於首歲勤夙宵之後方及於半  
塗彌切眷懷宜加寵錫

恩州賜契丹皇帝賀正旦副使茶藥詔

卿使介選才以達欣歡之意道塗將命宜伸慰勞之

應式示頒宣俾茲調護

二十四日就驛賜契丹賀正旦人使銀鈔羅唾盂孟子錦被褥口宣

卿等繼講隣歡會期元日載嘉勤敏涉此凝嚴用示頒宣俾彰眷待

正月一日入賀畢就驛賜酒果口宣

卿等方柅聘車即安賓館屬此春陽之煦宜多宴行之歡寵錫有加眷懷增厚

口宣  
今月三十日賜契丹賀正旦人使內中酒果

歐亞叢書卷一百三十一

去一

卿等式修邦聘來會春朝方休道路之勤宜有宴私之惠聊頒甘實以侑清樽

正月三日就驛賜契丹賀正旦人使內中酒

果口宣

卿等聘儀交舉欣入見於彤墀適品有加俾示慈於宴席用伸頒賚宜體便蕃

賜契丹人使春幡春盤法酒口宣

卿等並驅使傳來及王正月初陽式應於新春令節俾修於故事宜加頒賚用示眷懷

班荆館賜契丹賀正旦人使到闕酒果口宣

卿等夙戒軺軒荐修信好顧凝嚴之在候宜冥錫以  
申恩頒以甘新彰予眷遇

口宣

班荆館賜契丹賀正旦兩番人使到闕在筵  
卿等載馳隣聘來及歲元深惟道路之勤方戒郊勞  
之近特頒宴勞以示眷懷

皇帝回謝契丹皇帝書

九月日兄大宋皇帝致書于弟大契丹聰文聖武英  
略神功睿哲仁孝皇帝闕下使軺云止惠問見貽且  
承累歲而來荐有西師之舉討其不服初煩剪伐之

歐忠齋集卷之三

七

謀全以舊恩終示含容之度慶武戈之遂息分軍獲  
以爲儀言諭斯勤欣銘併集方疑寒律冀保冲襟企  
詠之誠指陳奚既續遣使人各謝次今忠正軍節度  
使檢校太尉同中書門下平章事蕭德等回專奉書  
陳謝不宣白

皇帝回謝契丹皇太后書

九月日姪大宋皇帝謹致書于嬪大契丹儀天體道  
至仁廣德慈順章聖皇太后闕下隣邦敦睦結信好  
以彌深使聘申歡承諭言而甚厚固壽齡之遐福欣  
帖泰之休期加侑幣以惟豐積感悰而增切秋商在

候查獲惟和今忠正軍節度使檢校太尉同中書門下平章事蕭德等回專奉書陳謝不宜謹白

雄州撫問契丹賀乾元節人使口宣

卿等並持使節叶講隣歡筋車馭以載勞及疆亭而茲喜俾伸慰撫式示眷懷

賜契丹賀正旦人使却回班荆館酒果口宣

卿等並持信節繼講隣歡旣夙駕以言歸俾及郊而留餞宜伸寵錫用示眷懷

十九日契丹賀乾元節人使朝辭訖就驛賜

酒果口宣

聖慮叢卷卷三十一

大

卿等夙持隣聘申慶誕辰嘉成禮之有儀在眷懷而增厚宜頒優賚式示寵章

班荆館賜北朝告哀人使御筵口宣

卿載馳使介來計國哀當節物之凜秋嘉道塗之喪苦宜頒燕犒以示眷勤

班荆館賜契丹告哀人使酒果口宣

卿載馳國計來及都城顧惟跋履之勞宜有頒宣之寵俾推珍錫式示眷懷

契丹告哀人使回至北京賜御筵口宣

卿遠將國命來告計音當使傳之言旋俾宴需之加

錫用申眷勞式示寵恩

契丹告哀人使回至雄州賜御筵兼傳宣撫  
問口宣

御遠馳國計旋飭使輶載嘉復命之勤爰錫示慈之  
宴式彰寵數宜體至懷

皇帝回契丹皇帝告哀書

九月日伯大宋皇帝致書于姪大契丹皇帝闕下特  
枉使輶遠馳國計不意凶變文成皇帝上僊載念久  
敦世好方睦隣歡聞問震驚撫懷感惻姪皇帝始茲  
縉紹深極哀摧冀節至情以遵典禮已差人使專持  
慰禮今右宣徽使忠順軍節度使左金吾衛上將軍  
耶律元亨回奉書陳謝不宣白

皇帝回契丹皇太后告哀書

九月日姪大宋皇帝謹致書于嬪大契丹仁慈聖善  
欽孝廣德安靜正淳懿和寬厚崇覺儀天皇太后闕  
下不意凶變文成皇帝上僊方敦隣睦遽及訃音載  
惟慈慕之懷必極哀傷之念冀從順變式副瞻言已  
差人使專持慰禮今右宣徽使忠順軍節度使左金  
吾衛上將軍耶律元亨回奉書陳謝不宣謹白

賜西南蕃蠻人張漢頂等勅書

勅張漢頂省所附進馬并朱砂等事且悉汝世女邊  
徼遠效款誠涉道里以甚勤脩貢輸而自達載嘉忠  
順宜有寵頒今回賜汝紅中錦旋襪一領八兩渾鍔  
銀腰帶一條衣著二十疋至可領也故茲示諭想宜  
知悉秋冷汝比好否遣書指不多及

皇帝回契丹太皇太后回謝書

三月日姪大宋皇帝謹致書于媵大契丹仁慈聖善  
欽孝廣德安靜正淳懿和寬厚崇覺儀天太皇太后  
闕下嚮以訃音來告方深感愴之懷明禮是將用繼  
講修之好豈期懿念復枉使車且承春候之和克固  
壽康之福其於感慰罔罄敷陳今順義軍節度使左  
監門衛上將軍蕭佶等回專奉書陳謝不宣謹白

皇帝回契丹皇帝回謝書

三月日伯大宋皇帝致書于姪大契丹皇帝闕下頃  
承哀訃嘗遣使輶惟又睦於仁隣俾往伸於賻祿復  
蒙惠問仍示腆儀方此春和克支福履其爲慰浣奚  
旣名言今順義軍節度使左監門衛上將軍蕭佶等  
回專奉書陳謝不宣白

賜復國主詔

詔夏國主喪葬之儀孝子之大節明賻之禮國家之

居禁近之從屢更中外之事選所踐試悉著聲實今  
樞筦之地籌勝是經擢二大猷適竚休績惟公忠可  
以成務惟寅亮可以就功徃其慎哉無廢朕命可特  
授依前守尚書禮部侍郎充樞密副使加食邑五百  
戶食實封二百戶散官勳賜如故王疇行

二十九任叅知政事制詞

勅夫萬務之理命令之出謀謨於堂上風行於天下  
使來者可規而輿言無譏者非吾二三相輔乎本兵  
之所號為樞機布政之方寔繫原抵更踐大府叅持  
衡柄向匪全德疇副毗倚樞密副使朝散大夫守尚

歐忠公全集卷之三

十一

書禮部侍郎護軍樂安郡開國侯食邑一千八百戶  
食實封四百戶賜紫金魚袋歐陽某識鑒明遠才猷  
通劭議論貫前儒之學文章擅獨步之名徧歷清華  
迭居中外自居重任已試異能忠言不私直道無屈  
是用易地且俾遷官讓節逾高誠心可諒若夫禮樂  
未具制度未立基業未固賦用未節昔人有作後世  
奚艱俾我有宋之治如三代盛時者亦惟吾相輔而  
已力行王道今也其時無謂吾不能行其同心以濟  
勉之哉可特授依前守尚書禮部侍郎叅知政事進  
封開國公加食邑五百戶食實封二百戶散官勳賜

錫宴式彰優渥當體眷懷

就驛賜契丹賀乾元節人使內中酒果口宣  
卿等將乃聘儀及茲壽節宜示燕私之惠用彰眷寵  
之懷推以甘珍體予嘉錫

班荆館賜契丹國信使副到闕酒果口宣

卿等祇命使軺修歡隣聘式及都畿之近宜推宴勞  
之恩錫以甘芳用彰眷遇

班荆館賜契丹國信使副到闕御筵口宣

卿等肅持聘問協講隣歡涉川陸之甚遐戒郊圻而  
茲始宜申宴犒用示眷懷

歐忠公集卷五十一

三十一

玉津園賜契丹國信使副弓箭御筵口宣

卿等持脩聘好方憇輶軒肅射圃以有儀豐宴籩而  
加品膺茲寵錫式體眷懷

雄州白溝驛賜北朝契丹賀正旦人使御筵

兼傳宣撫問口宣

卿等言飭使軺特修聘好涉此沍寒之候載惟行李  
之勤宜示宴慈用彰眷撫

雄州白溝驛賜契丹賀乾元節人使却回御

筵兼撫問口宣

四月十三日

卿等聘函時達使傳言旋肩茲炎燠之辰涉此川壑

之邀宜申宴錫式示眷懷

賜西南蕃蠻人張光現等勅書 十一月三日

汝世守邊疆遠輸忠順時修職貢附達款誠載嘉勤  
恪之心宜示褒優之錫

歐陽文忠公全集卷一百三十二

歐陽文忠公全集卷一百三十二

三

想西南蕃蠻人張光現等勅書

十一月三日

制詞謚誥四十三首

初任制詞

再任制詞

三任謫夷陵制詞

四任量移光化軍制詞

五任復舊官制詞

六任兼太子中允制詞

七任加騎都尉制詞

八任知諫院制詞

九任知制誥仍供諫職制詞

十任充龍圖閣直學士制詞

十一任進階食邑制詞

十二任謫滁州制詞

歐陽文忠公全集

一

黃

十三任以郊恩進封伯加食邑制詞

十四任知揚州制詞

十五任轉禮部郎中制詞

十六任復龍圖閣直學士制詞

十七任明堂單恩轉吏部郎中加輕車都尉制

詞

十八任服闋除舊官制詞

十九任脩書成遷翰林學士制詞

二十任兼史館脩撰制詞

二十一任進封侯加食邑制詞

二十二任轉右諫議大夫制詞

二十三任權知開封府制詞

二十四任轉給事中同提舉制詞

二十五任加護軍食實封制詞

二十六任轉禮部侍郎制詞

二十七任兼侍讀學士制詞

二十八任拜樞密副使制詞

二十九任叅知政事制詞

三十任加柱國制詞

三十一任進階金紫加食邑制詞

歐忠叢書卷五十五

二

三十二任轉吏部侍郎制詞

三十三任進階光祿加上柱國制詞

三十四任轉尚書左丞制詞

三十五任公因言求去除觀文殿知亳州制詞

三十六任轉兵部尚書知青州制詞

三十七任郊恩加食邑制詞

三十八任除檢校太保判河東路制詞

三十九任改知蔡州致仕制詞

公薨贈太子太師制詞

以子恩贈大尉制詞 追封充國公制詞

謚誥

初任制詞

前鄉貢進士歐陽某右可特授將仕郎試秘書省校書郎充西京留守推官替仲簡來年二月滿闕候見任官月限滿日即得赴任敕前鄉貢進士邵景先等咸以鄉舉踐于貢闈屬親校於藝文俾各升於科級特假讐書之秩式增結綬之榮郡縣佐僚各分其任宜思勗勵無曠乃官可依前件知制誥陳從易行

再任制詞

敕前西京留守推官承奉郎試秘書省校書郎歐陽

歐忠公集卷五十二

三

某辭擅菁英性推醇茂早登名於仕版遂從辟於賓筵而懋學逾惇參善有裕眷吾樞近嘗以薦論遠課試之爰來固辯麗之可獎宜預屬書之列仍遷管記之資往服清階善持素履可特授宣德郎試大理評事兼監察御史充鎮南軍節度掌書記管閣校勘李淑行

三任謫夷陵制詞

敕鎮南軍節度掌書記宣德郎試大理評事兼監察御史館閣校勘歐陽某曷以藝文擢參讐校固當宿業以荷育材近者范仲淹樹黨背公鼓譟疑眾自干

責諫臣恣陳訕上之言顯露朋姦之迹致其奏述備  
凡狂邪令寘嚴科用警偷俗尚軫包荒之念抵從貶  
秩之文徃字吾民毋重前悔可降授守峽州夷陵縣  
令替劉光喬今年七月成資闕散官如故仍放謝辭  
柳植行

四任量移光化軍乾德縣令制詞

敕宣德郎中峽州夷陵縣令歐陽某以懿辭決科以  
敏智從事荐承俊選參校秘文偶弗慎於言階廼自  
貽於官謹遽沿遐牒亦既逾年宜遷通邑之良且寄

歐陽某集卷五十三

四

字人之劇余方甄錄爾尚勉勤可特授守光化軍乾  
德縣令替張宗尹來年三月成資闕散官如故仍放  
謝辭王堯臣行

五任復舊官制詞

降授宣德郎守光化軍乾德縣令歐陽某右可特授  
試大理評事兼監察御史充鎮南軍節度掌書記權  
武成軍節度判官廳公事替節度推官趙咸寧來年  
二月滿闕散官如故仍放謝辭勅前降授崇信軍節  
度掌書記監郢州酒稅務朝奉郎試大理評事兼監  
察御史尹洙等嚮者咸以儒才籍于文館旋坐朋黨

之累自惟降謫之科載軫淹沉特惟甄叙或朝聞復  
秩分寄於縣章或府幕參謀差冠於賓序徃虔子命  
彌慎爾為可依前件王舉正行

六任兼太子中允制詞

勅鎮南軍節度掌書記宣德郎試大理評事兼監察  
御史充館閣校勘歐陽某朕意尚儒雅博考辭藝使  
優游並進以光我太平之業恩亦厚矣爾徃參典校  
屬以事謹會從荐引復叙官榮方思枚拭而庸寧限  
陞遷之次官坊羨秩冊府清塗嘉乃雋才尚勗來譽  
可特授守太子中允依舊館閣校勘散官如故聶冠

歐忠文公集卷五十三

卿行

七任加騎都尉制詞

勅夫三靈之交莫盛乎大旅四海以職畢奉于嚴禋  
還御端闈均慶祿寓矧待特髦之地素清儒館之遊  
宜被徽章以甄英俊宣德郎守太子中允充館閣校  
勘歐陽某雅材毓秀吉履敦方副妙簡於石渠紬秘  
文於天祿列于俊藪光是珎羣屬此推恩遽增勲級  
益厲夙秉庸對寵嘉可加騎都尉餘如故吳育行

八任知諫院制詞

宣德郎守太子中允充集賢校理騎都尉歐陽某右

可特授守太常丞依舊充集賢校理知諫院事散官  
勲如故勅國家廣開言路崇設諫垣擇方嚴之蓋臣  
登爭諫之清列責任尤重眷懷亦深向非練達民彝  
精詳國體利權不能易所守貴勢無以搖其心則安  
可劭厥清芬補予闕政以爾朝奉郎侍御史判三司  
都理分司輕車都尉賜緋魚袋魚周詢等風猷鯁亮器  
範冲深並繇博古之文皆擢烝髦之選清心莅局交  
負幹才議事飛章第揚風采僉詢朝論亟簡朕心宜  
進官聯往參諫列爾其勤乃節行厲于忠誠姑務罄  
譎譎之辭敷陳而亡撓豈宜持庸庸之計畏避以自  
安勉膺寵光式遲明效可依前件孫拚行

九任知制誥仍供諫職制詞

勅夫出納朕命裁成典誥號令風采布爲法度所以  
炳煥皇業羽儀近著匪我俊又曷膺是選宣德郎守  
太常丞充集賢校理同脩起居注知諫院事騎都尉  
賜緋魚袋歐陽其高才敏識照於當世特立不倚拔  
乎其倫秉心粹中履道夷坦學探系象之表文窮述  
作之源而自抱槩書林簪筆螭陛詞皆體達慮不及  
私俾之代言必能復古用進七人之列遂參四禁之  
嚴豈惟序陞斷自余志其於發揮藻潤之業坦明深

厚之體皆汝素蘊不煩訓詞可特授右正言知制誥  
依舊脩起居注知諫院事散官勲賜如故李有行

十任充龍圖閣直學士制詞

宣德郎行右正言知制誥騎都尉賜紫金魚袋歐陽  
某右可特授依前行右正言充龍圖閣直學士河北  
諸州水陸節度都轉運按察使兼西路營田都大制  
置屯田本路勸農使替張昱之散官勲賜如故勅朝  
奉郎守尚書禮部郎中知制誥知兗州輕車都尉賜  
紫金魚袋梁適等四方有事才者當爲國家馳騫矣  
自夏人之不賓于廷而王師外戍天下共其勞夫侍

從近列得無同我此憂者歟爾等並以才名器畧爲  
時英俊允予所以擢爾清切之禁延閣憲臺蓋備艱  
虞以爲用也三城西路之津會中山北道之吭喉河  
朔委輸事任尤重靈昌河上至于平陽皆方面之要  
害朝廷所屬意處也各遷近職于蕃于宣王室之勤  
以慰予望可依前件張方平行

十一任進階食邑制詞

勅三年而郊所以答天地尊祖考懷柔乎百神福惠  
于庶邦使生生之類罔不滋殖則吾左右近著宜乎  
首被凱澤者矣以爾河北都轉運按察使龍圖閣直

學士宣德郎右正言騎都尉賜紫金魚袋歐陽某  
學有師法言無畏避輟辭翰於西掖董賦輿於北道  
而能計國用詳邊謀擿吏姦舒民困才識參用搢紳  
所推令嚴裡成百禮具有司其申講舊典導宣明命  
爰之階品增之封邑以均禧祉以對勤蓋以永朝家  
之休可特授朝散大夫依前行右正言充龍圖閣直  
學士河北都轉運按察使特封信都縣開國子食邑  
五百戶勲賜如故仍放朝謝孫扞行

十二任謫滁州制詞

秘夫賞不遺功罰不阿迺有邦之彛典也河北都轉

歐愈文集卷五十三

八

運按察使龍圖閣直學士朝散大夫行右正言騎都  
尉信都縣開國子食邑五百戶賜紫金魚袋歐陽某  
博學通瞻衆所見稱言事感激朕嘗寵用而乃不能  
淑慎以遠罪辜知出非已族而鞠於私門知女有室  
歸而納之羣從嚮以訟起晟家之獄語連張氏之貲  
券旣弗明辯無所驗朕以其久參近侍免致深文止  
除廷閣之名還序右垣之次仍歸漕節往布郡條體  
予寬恩思釋前吝可落龍圖閣直學士特授依前行  
右正言知制誥散官勲封賜如故仍就差知滁州軍  
州兼管內勸農使替趙良規及放謝辭楊察行

十三任以知恩進封伯加食邑制詞

勅朕禮天事神以祈生民之佑尊祖親考以席鴻基之隆爰罄齋明仰膺顧謨乃眷近侍宜均恩典朝散大夫行右正言知制誥騎都尉信都縣開國子食邑五百戶賜紫金魚袋歐陽某詞藻敏麗風韻俊豪參列諫垣蔚有敢言之節褒陞詞禁茂昭華國之文委任素煩安靜攸處屬脩大祀俾治蕃休特䟽勲爵之儀並厚邑封之數中外之寄待遇無殊深體東求勉敦業履可特授依前行右正言知制誥加上騎都尉進封開國伯食邑三百戶散官賜如故仍放朝謝稽

頌行

十四任知揚州制詞

勅勤求治道優延近著粵惟詞禁之彥又布外邦之政特推渥洽蓋示眷懷朝散大夫行右正言知制誥知滁州上騎都尉信都縣開國伯食邑八百戶賜紫金魚袋歐陽某智慮淹通文藻敏麗善談當世之務旋登近侍之班向直內閣之嚴寔分北道之寄爰司方郡屢易周星軫予意之良深俾官儀而叙進記言勳者良史之筆授之以清階督淮海者廣陵之區委

之以會府仍司雅誥尚遠法垣當欽待遇之榮益務

端莊之節遲聞美績用對寵靈可特授行起居舍人  
知制誥知揚州軍州事兼管内堤堰橋道勸農使替  
張奎散官勳封賜如故仍放謝辭嵇穎行

十五任轉禮部郎中制詞

勅羣臣有常以善道蓋吾者今雖在外吾不忘也事  
任有期既未得即還左右且進升其官秩亦足表待  
遇之意焉朝散大夫行起居舍人知制誥知潁州上  
騎都尉信都縣開國伯食邑八百戶賜紫金魚袋歐  
陽某頃用文詞登朝居諫諍之任屢以謇諤之言陳  
闕失朝奉郎尚書工部員外郎直龍圖閣知亳州上

騎都尉賜紫金魚袋王洙往由經藝入侍備顧問之  
職嘗以博洽之學資見聞間緣薄疵並領外寄嚴助  
守藩久去承明之直望之懷闕應有本朝之思吾嘉  
才猷寔用矜爾爰各遷於品秩俾仍預於教條行將  
召主母曰留滯詩曰心乎愛矣遐不謂矣其務淑慎  
體茲曠懷脩可特授尚書禮部郎中依前知制誥知  
潁州散官勳封賜如故仍放朝謝洙可特授尚書刑  
部員外郎依前直龍圖閣知許州軍州兼管內堤堰  
橋道勸農事及管勾開治溝洫河道事替宋祁散官  
勳賜如故仍放謝辭李絢行

十六任復龍圖閣直學士制詞

勅思文先朝游心往籍因層構之建設近職之華所以寵名儒訪治道我圖俊舊之望時惟鯁亮之姿差進禁聯胥協公議翰林侍讀學士朝散大夫右諫議大夫知揚州騎都尉岐山縣開國子食邑五百戶賜紫金魚袋楊察精明博洽端粹正方擢在禁林復興謨而歸厚寘之憲席處論議而不阿朝散大夫尚書禮部郎中知制誥知潁州上騎都尉信都縣開國伯食邑八百戶賜紫金魚袋歐陽棻識達才長文高行潔篤於信道不讀非聖之書忠於本朝屢條當世之

歐愈全集卷五十三

十一

務並膺左右之選歷宣內外之勞峻節弗渝公議彌勝用進秘圖之拜且光舊物之還旌乃名臣敷干茂典爾身在外朕心弗忘嘉許來忠切懲前事察可特授依前右諫議大夫充翰林侍讀學士兼龍圖閣學士依舊知揚州散官勳封賜如故仍放朝謝脩可特授依前尚書禮部郎中充龍圖閣直學士依舊知潁州散官勳封賜如故仍放朝謝胡宿行

十七任明堂覃恩轉吏部郎中加輕車都尉

制詞

勅朕聞王者尊其考欲以配天緣考之意故推而上

於祖朕奉若斯義乃以季秋之選肇禋于大寢禮備  
法物樂和八音三石上帝亦既顧饗六服羣辟罔不  
蒙氣眷言秘近之列方殿股肱之郡天地之福其可  
不均以爾樞密直學士朝散大夫右諫議大夫上騎  
都尉京兆郡開國侯食邑一千戶賜紫金魚袋田况  
懷誠秉彜博見疆志以爾龍圖閣直學士朝散大夫  
尚書禮部郎中上騎都尉信都縣開國伯食邑八百  
戶賜紫金魚袋歐陽基議論據古忠正無私並爲當  
世之宗精究百家之術施之政事罔干譽而從欲立  
於朝廷不阿尊而事貴風動全蜀潤流京師古者因

歐憲齋卷百三

士

禘以發爵祿所以尊廟而貴命况合宮之事哉左省  
瑣闥之嚴中臺宰屬之重懋爾述職推吾新恩徃哉  
生生承此褒愛况可特授給事中依前充樞密直學  
士加輕車都尉散官封賜如故仍放朝謝脩可特授  
尚書吏部郎中依前充龍圖閣直學士加輕車都尉  
散官封賜如故仍放朝謝呂泰行

十八任服闋除舊官制詞

勅人臣之大節白忠與孝然處之者或過不及故先  
王設禮以爲之制喪者不呼其門盡爲子之志也外  
除而從政即爲臣之道也前龍圖閣直學士朝散大

大尚書吏部郎中輕車都尉信都縣開國伯食邑八百戶賜紫金魚袋歐陽某以文章直亮擢居近侍以才器幹篋更劇任自惟家艱歸伏閭里今祥禫甫畢貴然斯來文昌清曹淵圖秘職皆爾舊秩往服新命唯是移孝資忠之義爾其懋哉可特授尚書吏部郎中充龍圖閣直學士散官勳封賜如故蔡襄行

十九任脩書成遷翰林學士制詞

勅帝王之制坦然明白發號出令一日萬微其代予言必資才哲龍圖閣直學士朝散大夫尚書吏部郎中輕車都尉信都縣開國伯食邑八百戶賜紫金魚

歐陽某言忠信行篤恭文參典謨心固金石頃在

三

諫列以直誠盡規彌縫袞闕遷登禁省以深詔大冊振起國風出按朔垂籠守列郡免喪還朝即斬外補朕嘉其難進易退有賢者之節又文學舊老宜居禁中是用延登玉堂典司翰墨食謀四及成曰得人當使班馬之風弗獨漢邇三代也可特授依前尚書吏部郎中知制誥充翰林學士散官勳封賜如故王洙

行

二十任兼史館修撰制詞

勅古者左史記動右史記言得失形於一朝榮辱見

於千載今而墨筆操牘總二職之美者不在吾儒雅  
之臣乎翰林學士朝散大夫尚書吏部郎中知制誥  
升修唐書輕車都尉信都縣開國伯食邑八百戶賜  
紫金魚袋歐陽某學槃道真文得天粹凜然風節足  
爲世範休有議論實惟王體更中外之衆務在夷險  
而一心益知汝賢擢司內命豈特屬文章以煩爾蓋  
將咨謀慮以弼予復此兼榮亦非貳事夫一家之法  
傳信於方來萬世有辭垂裕於不朽尚賴良直以永  
休明往服茂恩奚假多訓可特授依前尚書吏部郎  
中知制誥充史館修撰仍舊翰林學士升修唐書散  
官勳封賜如故韓絳行

歐愈文集卷之三

十四

二十一任進封侯加食邑制詞

勅施厚而報豐維人之常誠至而禮簡事天之宜朕  
承先烈之不基祇畏勤紹弗敢荒寧寔勞維疚於昭  
降康四海萬靈莫不底豫念所以報必竭其誠迺即  
太寢之嚴躬尚質之享欽翼虔共陶匏以薦合法大  
神示格于祖考明靈降監休應顯孚膺受福釐均自  
近始翰林學士朝散大夫尚書吏部郎中知制誥充  
史館修撰判太常寺兼禮儀事輕車都尉信都縣開  
國伯食邑八百戶賜紫金魚袋歐陽某文字復于古

雅正立邁于倫類辨論堅確救時爲心在渥不淄混  
混自信倚其演潤故置諸內署藉其才識故付之史  
筆賴其謀用故試之大計沛有餘地左右咸宜庶事  
思成相儀克允峻其勲等埤厥賦封尚體予衷以孚  
邦家于休可特授依前尚書吏部郎中知制誥史館  
修撰充翰林學士加上輕車都尉進封樂安郡開國  
侯食邑五百戶散官勲賜如故差遣依舊吳奎行

二十二任轉右諫議大夫制詞

勅禁密之重朝廷所優率從四歲之常俾進兩官之  
次示異等於流品表殊恩於邇臣推意之明在予則

歐愈奎奎百五

五

至顯忠之報惟汝爲深授受之間善美良盡翰林學  
士朝散大夫尚書吏部郎中知制誥充史館修撰判  
太常寺兼禮儀事上輕車都尉樂安郡開國侯食邑  
一千三百戶賜紫金魚袋歐陽某風誼醇篤謀猷浚  
明憂天下之心物議許其懇到徇國家之急朕志知  
其勇爲矧夫統體之文綽有雅健之氣特立于世能  
同於人姑用歲勞對爲諫長未厭搢紳之望徒收翰  
墨之長亦爲顯承當益章大可特長右諫議大夫兼  
前知制誥史館修撰充翰林學士散官勲對賜如故  
差遣依舊仍故朝謝吳奎行

二十三任權知開封府制詞

勅京邑翼翼四方是則商頌之明訓也朕念夫神京  
輿區人衆所聚俗有五方之異吏有百司之繁貴近  
豪并輕犯法禁迫感則已苛細寬縱則有放紛尹正  
之才不止乎決事無留當官有守而已維其明智足  
以照物厚重足以鎮浮先事以錯其萌芽臨文以補  
其機械俾夫下國有以依放則庶幾乎古之治矣翰  
林學士朝散大夫右諫議大夫知制誥充史館修撰  
充宗正寺修玉牒官刊修唐書判太常寺兼禮儀事  
兼判尚書禮部兼判秘閣秘書省上輕車都尉樂安  
郡開國侯食邑二千三百戶賜紫金魚袋歐陽某道  
德仁義固其深蘊文學政事矧乃兼長老於詞禁之  
中未愜搢紳之望今詳試以煩劇命允釐于浩穰寵  
以延閣之拜優以京輔之授爾其念古訓而用又毋  
曰時異稍艱乎施設也可特授依前右諫議大夫知  
制誥史館修撰充翰林學士兼龍圖閣學士權知開  
封府兼畿內勸農使仍舊刊修唐書兼判秘閣秘書  
省散官勳封賜如故吳奎行

二十四任轉給事中同提舉制詞

勅漢制給事中日上朝謁平尚書奏事近世所職雖

異而其親近左右爲最要審非得端士不以付焉以爾翰林學士兼龍圖閣學士朝散大夫右諫議大夫知制誥充史館修撰刊修唐書兼判秘閣秘書省上輕車都尉樂安郡開國侯食邑一千三百戶賜紫金魚袋歐陽某性資純良識用明果直道自奮至忠不回向自禁林尹正京邑擢抑權幸崇獎善良獄訟簡稀幾至無事方此眷賴以圖靖嘉而迺屢形奏封求請便郡朕惟亮正之益不可使遠外而煩劇之任宜有以均勞延登瑣闥以備顧問爾其祇服體朕意焉可特授給事中依前知制誥史館修撰充翰林學士兼龍圖閣學士提舉在京諸司庫務仍舊刊修唐書兼判秘閣秘書省散官勳封賜如故范鎮行

二十五任加護軍食實封制詞

勅王道之最盛者莫如宗廟宗廟之至重者莫如大袷朕祇率舊禮親執祀事神人以和祖考來格此皆辟公卿士肅雍顯相之効也福祉之流朕安敢專翰林學士兼龍圖閣學士朝散大夫給事中知制誥充史館修撰刊修唐書兼判秘閣秘書省兼充羣牧使上輕車都尉樂安郡開國侯食邑一千三百戶賜紫金魚袋歐陽某清識鉉議搢紳之表醇文懿行名世

之選此所以增朝廷之光參瑚璉之器詩不云乎左  
右奉璋髦士攸宜夫熙事休成惠澤廣被則賢者宜  
先矣叙升書勲之籍真食加田之賦於以均七廟之  
慶慰萬夫之望其庶幾乎可特授依前給事中知制  
誥史館修撰充翰林學士兼龍圖閣學士加護軍食  
實封二百戶散官封賜差遣如故劉敞行

二十六任轉禮部侍郎制詞

勅古之爲國者法後王爲其近於已制度文物可觀  
故也唐有天下且三百年明君賢臣相與經營扶持  
之其盛德顯功美政善謀固已多矣而史官非其人

歐忠文集卷五十三

六

記述失序使興壞成敗之迹晦而不章朕甚恨之故  
擇廷臣筆削舊書勒成一家翰林學士兼龍圖閣學  
士朝散大夫給事中知制誥充史館修撰刊修唐書  
兼判秘閣秘書省兼充羣牧使護軍樂安郡開國侯  
食邑一千三百戶食實封二百戶賜紫金魚袋歐陽  
某端明殿學士兼翰林侍讀學士龍圖閣學士朝請  
大夫守尚書吏部侍郎充集賢殿修撰知鄭州上柱  
國常山郡開國公食邑二千三百戶食實封六百戶  
賜紫金魚袋宋祁創立統紀裁成大體朝散大夫尚  
書禮部郎中知制誥充集賢殿修撰糾察在京刑獄

兼權判尚書工部充宗正寺修玉牒官騎都尉高平  
縣開國男食邑三百戶賜紫金魚袋范鎮朝奉郎守  
尚書刑部郎中知制誥同勾當三班院上輕車都尉  
賜紫金魚袋王疇三司度支判官朝奉郎太常博士  
充集賢校理編修唐書官上騎都尉賜緋魚袋朱敏  
求罔羅遺逸厥協異同凡十有七年大典乃立闕富  
精覈度越諸子矣皆讐有功朕將據古鑒今以立時  
治為朕得法其勞不可忘也皆遷秩一等布其書天  
下使學者咸觀焉脩可特授守尚書禮部侍郎依前  
知制誥史館修撰充翰林學士散官差遣勳封食實  
封賜如故邴可特授守尚書左丞依前集賢殿修撰  
充端明殿學士兼翰林侍讀學士龍圖閣學士散官  
差遣勳封食實封賜如故仍放朝謝鎮可特授尚書  
吏部郎中依前知制誥充集賢殿修撰散官差遣勳  
封賜如故疇可特授守尚書右司郎中依前知制誥  
散官勳賜差遣如故敏求可特授尚書工部員外郎  
依前集賢校理充三司度支判官散官勳賜如故劉  
敞行

二十七任兼侍讀學士制詞

勅夫堯舜稱治之至莫重於稽古蓋順考前繹以施

有政改其聖功大烈後世無以逾焉朕晞風於既往  
求理於當世留神典冊用資聰明務延道德之老以  
爲勸講之益進讀左右允任賢碩翰林學士兼龍圖  
閣學士朝散大夫守尚書禮部侍郎知制誥充史館  
修撰判秘閣秘書省兼充羣牧使護軍樂安郡開國  
侯食邑一千三百戶食實封二百戶賜紫金魚袋歐  
陽某素稔夷直懷負忠亮雄詞奧學高視前哲讜議  
精識推爲國器方且擢處禁近以襄大猷登預經閣  
庶幾自輔夫維善言古必驗于今授史傳經爾其無  
讓可特授依前守尚書禮部侍郎知制誥史館修撰  
充翰林學士兼侍讀學士散官差遣勳封食實封賜  
如故王疇行

二十八任拜樞密副使制詞

勅夫詩美吉甫以有文武故賢時之士無施不可朕  
惟天下之重兵本之寄委于廊廟之臣責其講畫之  
用則待遇之意付畀之際敢不慎乎苟非材英豈易  
圖任翰林學士兼侍讀學士朝散大夫守尚書禮部  
侍郎知制誥充史館修撰護軍樂安郡開國侯食邑  
一千三百戶食實封二百戶賜紫金魚袋歐陽某學  
通古今之宜性符履道之直議論明正懷負高爽久

居禁近之從屢更中外之事選所踐試悉著聲實今  
樞筦之地籌勝是經擢貳大猷適矧休績惟公忠可  
以成務惟寅亮可以就功往其慎哉無廢朕命可特  
授依前守尚書禮部侍郎充樞密副使加食邑五百  
戶食實封二百戶散官勳賜如故王疇行

二十九任叅知政事制詞

勅夫萬務之理命令之出謀謨於堂上風行於天下  
使來者可觀而輿言無譏者非吾二三相輔乎本兵  
之所號爲樞機布政之方寔繫原抵更踐大府參持  
衡柄向匪全德疇副毗倚樞密副使朝散大夫守尚

書禮部侍郎護軍樂安郡開國侯食邑一千八百戶  
食實封四百戶賜紫金魚袋歐陽某識鑒明遠才猷  
通劬議論貫前儒之學文章擅獨步之名徧歷清華  
迭居中外自居重任已試異能忠言不私直道無屈  
是用易地且俾遷官讓節愈高誠心可諒若夫禮樂  
未具制度未立基業未固賦用未節昔人有作後世  
奚艱俾我有宋之治如三代盛時者亦惟吾相輔而  
已力行王道今也其時無謂吾不能行其同心以濟  
勉之哉可特授依前守尚書禮部侍郎叅知政事進  
封開國公加食邑五百戶食實封二百戶散官勳賜

如故 張懷行

三十任加柱國制詞

勅合宮大饗明靈居歆嘏告神釐蒙所勞矣一二相事之老宜均乃休朝散大夫守尚書禮部侍郎叅知政事護軍樂安郡開國公食邑二千三百戶食實封六百戶賜紫金魚袋歐陽某文章瑞時議辯華國進陪大政特欲倚平會資闕儀贊成孝志微俎而命宜先近班功號崇階副之勲等徃膺異數是惟典常可特授正奉大夫依前尚書禮部侍郎叅知政事加柱國仍賜推忠佐理功臣封食實封賜如故 張懷行

歐忠公集卷之三

三

三十一任進階金紫加食邑制詞

勅朕受命先帝付畀大寶始初踐阼居士民之上與一二臣輔講求天下之理恩意之及宜先老成推忠佐理功臣正奉大夫尚書禮部侍郎叅知政事柱國樂安郡開國公食邑二千三百戶食實封六百戶賜紫金魚袋歐陽某氣清神深學足以飾經治推忠佐理功臣正奉大夫尚書禮部侍郎叅知政事柱國天水郡開國公食邑二千五百戶食實封六百戶賜紫金魚袋趙槩性和識遠言足以濟成謀皆把梓良材廟堂重器爰弼亮於大本方倚平於至公尚書地官

機政所出往踐厥服思所以致君是舜之任無俾專美於前人朕所望焉脩可特授金紫光祿大夫行尚書戶部侍郎依前叅知政事加食邑五百戶食實封二百戶仍賜推忠協謀佐理功臣勳封如故槩可特授金紫光祿大夫行尚書戶部侍郎依前叅知政事加食邑五百戶食實封二百戶仍賜推忠協謀佐理功臣勳封如故張懷行

三十二任轉吏部侍郎制詞

勅先皇帝遺大投艱于朕躬俾守宗廟暮年于茲惟是一二政事之臣輔朕不逮以底于治嘉乃勞止是

歐忠叢卷五十五

五

用疇庸推忠協謀佐理功臣金紫光祿大夫行尚書戶部侍郎參知政事柱國樂安郡開國公食邑二千八百戶食實封八百戶歐陽某精識昭於古今高明起於日月文之以禮樂濟之以公忠頃在先朝預聞大政逮予嗣訓之始繫爾定策之先屬哀毀之過差感疾疹之甚屢醫禱備至氣體訖康苟非與在之良曷見仰成之懿宜峻天臺之秩庸昭國棟之隆褒德懋功於是乎在爾其夙夜茂勉左右弼諧用又我王家爾亦有無窳之聞豈不休哉可特授行尚書吏部侍郎依前參知政事功臣散官勳封食實封如故采

敏求行

三十三任進階光祿加上柱國制詞

勅朕薦鬯清廟懷祖宗之威神升烟紫壇致天地之  
明察靈心顧享熙事休成臨端闈而肆霈中區奉徽  
號而推尊父母眷言賦政之重宜首均鑿之隆推忠  
協謀佐理功臣金紫光祿大夫行尚書吏部侍郎參  
知政事柱國樂安郡開國公食邑二千八百戶食實  
封八百戶歐陽某道合誠明學窮元本被遇仁考敬  
休禁塗以經緯之文施於典冊以直亮之節顯於巖  
廊荐更四近之聯深暢萬機之會邦禋肇詣朝務益  
繁備公衮之革章承祭除之盛禮乃順神福以甄爾  
勞進文散之崇階衍采田之多邑仍推勲級庸異弼  
臣顧褒嘉而載優當圖報而母廢我有明命其懋承  
之可特授光祿大夫依前行尚書吏部侍郎參知政  
事加上柱國食邑五百戶功臣封食實封如故宋敏  
求行

三十四任轉尚書左丞制詞

勅在昔成王有審訓以屬於大卿惟我先帝命冲人  
寔託於四輔眷言莅阼之始宜首懋官之恩推忠協  
謀佐理功臣光祿大夫行尚書吏部侍郎參知政事

上柱國樂安郡開國公食邑三千三百戶食實封八百戶歐陽某鯁亮發中誠明瀑外文蔚典謨之體學通治亂之原彌異兩朝燮熙萬務肆朕纂服載深仰成爰升肅於臺機示疇庸於台佐衍封增幹賜號進階祇式舊章併推其數意荷祖宗之垂佑旣嗣無疆之休賴臣鄰而協恭方求小忠之助益宣賢業茂對寵徽可特授特進行尚書左丞依前參知政事加食邑五百戶食實封二百戶仍賜推忠協謀同德佐理功臣勲封如故求敏求行

三十五任公因言求去除觀文殿知亳州制

歐陽文忠公集卷五十五

五

詞

勅朕惟國之大臣毗倚於內猶同體之股肱凌雲之羽冀莫之重也至於辭隆自潔則必徇其雅志而尊顯之蓋所以均其勞逸也方朕守文之初而一德舊老以病自乞章數上矣其可留以佐我而崇進退之節乎推忠協謀同德佐理功臣特進行尚書左丞參知政事上柱國樂安郡開國公食邑三千八百戶食實封一千戶歐陽某學通本元邦之讜直名重當世士林師法繇樞機之柄任贊廊廟之全謨兩受仍凡之託益堅事上之誠踐更三朝出入八載需頤歷懇

守麾是漸雖詔批不可而其請愈確是用進職書殿  
增秩秋官授符于价藩分憂於閫寄裝溢備矣書不  
云乎雖爾身在外乃心罔不在王室勉勤所報詎假  
予訓可特授行刑部尚書充觀文殿學士知亳州軍  
州事兼管內河堤勸農使及管勾開治溝洫河道事  
仍改賜推誠保德崇仁翊戴功臣散官勲封食實封  
如故呂夏卿行

三十六任轉兵部尚書知青州制詞

勅朕惟北海九州之古郡而東人之都也近世兩府  
出入爲均逸之地非著德峻望不爲倚毗推誠保德

欽定四庫全書

卷五十三

崇仁翊戴功臣觀文殿學士特進刑部尚書知亳州  
上柱國樂安郡開國公食邑三千八百戶食實封一  
千戶歐陽棊以文學自進以器能自任早領樞務旋  
參大政奏封屢上誠請益堅俾守藩方已逾歲律乃  
進夏官之秩往臨海岱之區一道兵農患緩是賴肅  
予近服無假訓言可特授行兵部尚書依前充觀文  
殿學士知青州軍州事兼管內勸農使充京東東路  
安撫使功臣散官勲封食實封如故仍放謝辭李大  
臨行

三十七任郊恩加食邑制詞

勅朕嗣位之初祇見上帝祖考九州四海莫不來祭  
惟二三元老雖爾身在外乃心罔不在王室推恩行  
爵必先及之推誠保德崇仁刻戴功臣觀文殿學士  
特進行兵部尚書上柱國樂安郡開國公食邑三千  
八百戶食實封一千戶歐陽某文章宿望左右三朝  
艱難之時寔賴其力進退之節不累於位股肱近鎮  
玉帛勤正茲朕所以推神休而疏朝寵也乃眷舊德  
奚煩訓辭可特授依前行兵部尚書充觀文殿學士  
加食邑五百戶食實封二百戶功臣散官勲封如故  
吳充行

三十八任除檢校大保判河東路制詞

勅國家規制裔邊並建帥領惟河汾之一道搃獯狁  
之二番爰咨袞路之賢徃付弁門之筦仍遷近府用  
壯輿藩具官其道德文章爲時矜式謀猷忠亮預政  
累朝自獲解於台司已再更於郡寄委遠時柄爾雖  
樂於燕安尊任賢能朕豈忘於鑒寐眷言大鹵方擇  
守臣俾從表海之邦就改近胡之鎮班通四貴所以  
褒寵於舊勲節制諸戎所以倚成於外閫惟爾同寅  
之德體予注意之隆亟即新州毋辭遠略可特授檢  
校太保宣徽南院使判太原府河東路經畧安撫使

兼并代澤潞麟府嵐石路兵馬都總管功臣散官勲封如故張懷行

三十九任改知蔡州致仕制詞

勅朕惟左右輔弼之臣以道德自任者其去就進退莫不有義與命而朝廷優寵遇待不使之蚤告老以去者非獨朕之恩典爲然亦先王之禮意故也以爾推誠保德崇仁翊戴功臣觀文殿學士特進行兵部尚書上柱國樂安郡開國公食邑四千三百戶食實封一千二百戶歐陽棊文章學問遠足以知先王德義謀猷近足以宜當世陟降秘近踐揚茲多嚮繇樞

歐忠齋卷百三

三

旋參決大政乃能熙天之命克勤王家均休外藩年德方茂而乃安于義命以禮請去至於勤懇雖朕之倦遇有加亦終不能易爾志重以先帝顧命輔朕耿躬勲勞問望顧可以無報稱哉是用度越常典以榮爾歸俾進東宮之師仍兼秘器之職尚惟率身善俗以助成王德惟良顯哉可特授太子少師依前充觀文殿學士致仕功臣散官勲到食實封如故仍放朝謝張懷行

入薨贈太子太師制詞

勅大臣還官告老以高秩尊爵歸第固朝廷所禮異

也矧嘗參決大政有兩朝定策援立之勲德甚盛而  
弗君年未至而辭位遽茲長逝宜厚追褒故推誠保  
德崇仁翊戴功臣觀文殿學士特進太子少師致仕  
上柱國樂安郡開國公食邑四千三百戶食實封一  
千二百戶歐陽某以文章革浮靡之風以道德鎮流  
競之俗挺節強毅而不撓當官明辯而莫奪三世寵  
榮一德端亮朕方將圖任舊老嚮咨肅義而雅志冲  
邈必期退休未閱數歲章踰十上在大義難盡其力  
茲勤請所以不違謂其脫去人問之累當享期願之  
壽天遽殲奪曾靡慈遺覽奏之日爲之不能臨朝儲  
坊六博師惟長首舉以爲贈用紆予哀尚其有知享  
此嘉命可特贈太子太師王益柔行

以子恩贈大尉制詞

勅朕齊明以祀得歆于神維顯及幽並受多祉奉議  
郎輕車都尉賜緋魚袋歐陽發父皇任觀文殿學士  
太子少師致任贈太子太師某以高文典策冠絕譽  
髦以重德令名進參機要踐更事任奮發猷爲諒直  
公忠簡於朕志逝日逾遠賢聲不忘垂裕後昆序朝  
通籍丁時慶賚愍錫有加尚其營窺膺此明命可特

贈太尉王安禮行

追封充國公制詞

勅宗祀之澤充塞穹壤國之故老褒叙有章朝請郎  
充秘閣校理輕車都尉賜緋魚袋歐陽棐弟通直郎  
飛騎尉辯故父任觀文殿學士太子少師致仕贈太  
師追封康國公其名世之才出應期運明於輔弼事  
繁而以風節始終餘慶嗣人追命成國寬惟不沒尚  
克享茲可特贈太師追封充國公中書舍人戚陶行

謚誥

省司準勅定謚據本家發到故推誠保德崇仁翊戴  
功臣觀文殿學士特進太子少師致仕上柱國樂安

歐陽棐卷五十三

三

郡開國公食邑四千三百戶食實封一千二百戶贈  
太子太師歐陽某行狀依例牒太常禮院擬謚今准  
回牒連到議狀謚曰文忠

宣德郎守太常丞充集賢校理同知太常禮院李清  
臣

太子太師歐陽公歸老于其家以疾不起將葬行  
狀上尚書省移太常請謚太常合議曰公維聖宋  
賢臣一世學者之所師法明于道德見于文章究  
覽六經群史諸子有氏馳騁貫穿述作數千百萬  
言以傳先王之遺意其文卓然自成一家比司馬

遷楊雄賦之所不及而有過之者方天下溺於  
末習爲章句聲律之時聞公之風一變爲古文咸  
知趨尚根本使朝廷文明不媿于三代漢唐者太  
師之功于教化治道爲最多如太師真可謂文矣  
博士李清臣得其議則閱讀行狀考按謚法曰唐  
韓愈李翱權德輿孫逖本朝楊億皆謚文太師固  
宜以文謚吏持衆議曰太常官長官長有曰文則  
信然不復易也然公平生好諫諍當加獻爲文獻  
無已則加忠爲文忠衆相視曰其如何則又合言  
曰忠亦太師之大節太師嘗參天下政事進言仁

宗乞早下詔立皇子使有明名定分以安人心及  
英宗繼體今上即皇帝位兩預定策翊戴有安社  
稷功和裕內外周旋兩宮間迄于英宗之視政蓋  
太師天性正直心誠洞達明白無所欺隱不肯曲  
意順俗以自求便安好論列是非分別賢不肖不  
避人之怨誹狙嫉忘身履危以爲朝廷立事按謚  
法道德博聞曰文廉方公正曰忠今加忠以麗文  
宜爲當衆以狀授清臣爲謚議清臣曰不改於文  
而傳之以忠議者之盡也清臣其敢不從遂謚文

朝奉郎守尚書工部郎中充秘閣校理直舍人院並同修起居注權判吏部流內銓騎都尉賜緋魚袋錢藻宣德郎守尚書刑部員外郎充集賢校理兼同修起居注權同判吏部流內銓騎都尉賜緋魚袋竇卞伏準太常禮院謚議如前

天下文物繁盛之極學士大夫競夫鏤刻組繪日益靡靡以汨沒於佻詭魁殊之說而不復知淳古之爲正也於是時天下曰是太師曰非天下以爲躡太師以爲陋學士大夫磨牙淬爪爭相出力以致之危害太師不之顧曰我道堯舜也我言孔子

孟軻也而天下不我從將焉往然率由太師而一歸於醇正故仁義之言其華曄然獨輝灼乎一代之盛遠出二京之上嗚呼媿哉大丈夫束帶立夫人之朝所以大過人者大節立焉不覲覲小節以求曲全可也怫衆慮彊君以難是爲大節不徇世俗之論而先識以制未形是爲大節太師當嘉祐之間協議建儲正名摯天下之疑而伸之萬世因而若維太山而安不危斯之謂大節謚法道德博聞曰文庶方公正曰忠生平論議文章務明堯舜孔孟之教於已壞之後可謂道德博聞矣排左右

持錄取容之慮特建萬世無窮之策而自不以爲  
功可謂庶方公正矣太常易名曰文忠庶乎天下  
有以知公議之不能泯也

省司準例於都亭驛集合省官同參詳比協令式  
請有司準例施行謹詳定訖遂具狀中書門下取  
裁奉宰臣判準申謹具狀奏聞伏候勅旨

歐陽文忠公全集卷一百三十三

一歐陽文忠公全集卷一百三十三

三十三

黃益寫

公集卷一百三十三  
文忠公全集卷一百三十三  
歐陽文忠公全集卷一百三十三

